

山西太原原省  
中醫改進研究會

民國十八年四月

中華郵政特准掛號  
認爲新聞紙類

# 醫學雜誌

第四十八期

南京圖書館藏

## 本雜誌啟事

凡訂閱本雜誌者望先寄費空函訂購恕不作覆

### 代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

### 外界投稿簡章

- 一 各界投稿凡有關於醫藥衛生等學術者本會極其歡迎
- 一 凡經本會編入雜誌之稿件每一稿奉贈雜誌一册如一期之內登兩三稿亦祇寄送一册
- 一 凡永久贊助本會特別熱心或贈送書籍諸君本會按期寄送一册
- 一 投寄稿件務請繕寫清楚圈點句讀
- 一 收受各稿本編輯處可以酌量增刪如作者不願他人增刪亦請預先聲明
- 一 所投稿件未經登載者恕不奉還
- 一 各醫藥報界有願與本會雜誌互換者本會極表同情
- 一 會內外諸君有翻譯東西最近發明之醫藥學投刊者本會尤為感綴

# 醫學雜誌第四十八期

## 目錄

附設醫院十八年二月西醫診治人數表

### 醫務紀要門

上海全國醫藥代表大會致本會電

本會推選陳理事赴滬會出席復書

本會敬告中醫藥界同人宣言

### 專著門

靈素生理新論 楊如松先生著 續四十七期

新編傷寒學 費夢琴先生著 續四十七期 例言

### 論說門

中國醫藥存廢問題

趙意空

第四十八期 目錄

論改進中國醫藥之方法 楊煥文

論哲學與醫學之關係 張錫純

中國醫學沿革概論 續四十七期 楊煥文

### 纂述門

〔生理類〕

中西醫總論 第一編生理門 續四十七期

陳澤東

筋經爲神經說

楊煥文

〔衛生類〕

水之清潔法

趙意空


〔病理類〕

燥氣之研究 續四十七期

邱揚明

頭風之研究

鄭霞仙



〔診治類〕

治病序例 續四十七期

詳論吐衄治法

失血症宜靜不宜動說

陰虛牙痛治驗

痢症論治

麻症論治

痘症論治

〔方劑類〕

溫熱方劑篇 續四十七期

疫痢集古

瘟黃集古

張錫純

鄭霞仙

邱揚明

楊星垣

前人

前人

楊煥文

周小農

前人

醫案門

醫案平議 續四十七期

張山雷

通訊門

上海醫藥團體反對廢止中國醫藥

之通電 錄益世報

天津中醫學會致本會緘 附建議書

本會復天津中醫學會會長陳君緘

廈門林振南君致本會緘 附協進會序言

本會復林振南君緘

山東醫藥總會復本會緘

松江中醫協會復本會緘

周小農君致上海中醫大會書

賀上海中國醫報題詞

趙意空

雜俎門

實行解剖之發瓶

星期徵稿選刊

問類傷寒五證症狀理由治法  
李瑞蘭

問腹中積塊宜針刺何經何穴  
白爾斌

### 贈書誌謝

上海中國醫學院贈醫光一份附院刊

國醫學院贈惲鉄樵先生所著溫病明理 脈學發微 生理新語 保赤

新書 傷寒論研究五種

神州醫藥總會贈醫藥學報一份 長壽一二三五六期各三份附章程

徐相任先生贈中國生理學補正一冊 中華國醫科目暨系統表草案一冊

杭州裘吉生先生贈脈說一部 溫熱類編一部

中醫專門學校贈傅癩園先生醫說一部 實驗藥物學講義 醫史講義

金匱學講義 傷寒學講義 血行器診查法大意 外科要旨講義

中醫專校一覽各一份 校友會年刊三冊

胡慶餘 萬志承 堂贈丸散全集十冊 葉種德堂贈丸散說明書四冊

遼甯劉冤堂先生贈麻症集成二部















醫務紀要門

上海全國醫藥代表大會致本會電

山西中醫改進研究會公鑒。此次少數西醫。在中央衛生會議將中西醫藥強分新舊。並提出廢置舊醫等議案。事關民衆生計健康。至爲重要。敝會曾經登報通告否認。刻接各地中醫中藥團體來函。要求召集全國醫藥團體聯合大會。議定具體辦法。以謀對付。茲定三月十七日〔即陰歷二月初七日〕舉行全國中醫中藥團體代表會議。務請各地中醫中藥團體。尅日推出代表二人至三人。先行開具代表姓名。快函報告。並於開會三日之前。備帶正式證明函件。到會接洽。以便招待除登報通告外。謹電奉聞。

本會推選陳理事赴滬會出席復書

逕覆者。頃承來示。因聞少數西醫。在中央衛生會議將中西醫藥強分新舊。並提

出廢置舊醫等議案。經貴會召集全國醫藥團體聯合大會。議定辦法。以謀對付。定期舉行。並囑令剋日推出代表。携帶證書函件到會接洽。聆悉種切。貴會距京畿最近。得風氣之先。對於茲事。必有嚴重辦法。良好結果。曷勝企盼。會推出會中整事陳賓卿君觀光前往聯絡。一切附驥而行。參加末議。至於啟會開辦十年。對於中醫數千年學術。存亡絕續。徒具熱忱。目擊遷流。無術挽救。抱愧良多。十四年六月。因中華教育改進社來晉開會。即便提議。請將中醫一門。咨明教育部。加入學校系統。三種理由。分國粹國貨國情之關係。議案雖經通過。而時局變遷。此案亦遂無形消滅。此案載在啟會第二十五期醫學雜誌。上年冬。又復提議。提倡中醫學術。其理由三項。曰保存國粹。曰普救民命。曰維持國貨。並擬具辦法。大都與前案無甚出入。呈由晉省政府向中央提議。此案載在啟會第四十四期雜誌。獨木難支。不若衆擎易舉。用將此意分致素與啟會通訊各中醫團體。徵求同意。以期再接再厲。正進行間。適奉明教。大慰調飢。啟會經過情形及目下進行辦法。賓卿陳君當能逐一面陳。雜

誌所刊。不難按索。總之潮流所逐。風氣所趨。以貴會之熱心毅力。能與爭存爭勝。中國幸甚。民生幸甚。即使不護達到目的。形式上縱然廢置。精神上亦必永久存在也。

### 本會敬告中醫藥界同人宣言

敬啓者。粵自神農嘗百草。辨折陰陽。黃帝作內經。洞源性命。我國醫藥之學。至今四五千年。而人類之繁殖。環球無比。謂非醫藥之靈。曷克臻此。迄今古道衰微。外力伸入。幾有取而代之之勢。本會承 總座閻公之命。組織醫會。研究改良。十載於茲。與津滬鄂浙等省中醫學會。聲氣交通。互相贊助。曩於十四年六月內。因中華教育改進社來晉開會。即便提議。請將中醫一門。咨明教育部。加入學校系統。案雖通過。嗣以時局變遷。遂致無形消滅。上平冬。又復呈請省政府。向中央政府提議。提倡中醫學術一案。其理由三。〔一〕我國文化。其精神在理學。本有永久不廢之精義。前者日本亦宗中醫。謂之漢醫。近日日本市政廳長尾藻城氏。著和

漢醫學於科學的研究云。明治維新時改用西醫。將我邦古來醫家所研究之多數成績。全然截斷。此偉大之損失。千古恨事。倘將和漢醫藥。安於科學之上。而爲科學的研究。則其所獲。必有出人意外者。夫日本之於中醫。以言語文字之隔闕。不過間接的國粹。乃當今西醫昌明。佔世界第二位置時。而由後溯前。尙不勝其追悔慨嘆。况我固有國粹。經數千年之研究。而可忍與淪胥乎。爲保存國粹計。中醫學術應提倡者一也。二二現今西醫盛行。而信仰中醫者。仍不稍減。蓋中西氣候習慣。體質不同。而治療因之亦異。常有西醫不能治之病。中醫治之而愈者。不得謂中醫全屬無用也。且現時西醫多設於繁盛都市。診資藥資。均甚昂貴。其能住醫院者。多係便家。而最大多數散居鄉村之平民。仍賴中醫救濟。若不加以改進。極力保存。此無量數之貧苦平民。何所托命。爲普救民生計。中醫學術應提倡者二也。三三我國地大物博。富有天產藥品。百倍泰西。全國商民業藥者。何止億萬。每年買銷價值。更不可以數計。倘將中醫以科學方法。從事整理。日加發



皇則中藥亦因之日有進步。較之專重西醫。推銷西藥。爲外國闢一財源。爲本國添一漏卮。其得失相差。豈止千萬倍之鉅。方今我國貧弱已極。愛國之士。莫不曰維持國貨。獨於醫藥之大宗國貨。而可拋棄之乎。爲維持國貨計。中醫學術應提倡者三也。其辦法三。〔甲〕請仿照中央國術館之例。設立中央國醫館。延聘國內中醫專家若干人。組織成立。從事編制中醫教本。議定中醫課程。發揮中醫學理。改進中醫技術。並可與西醫參証融會。兩不反對。〔乙〕請仿照現行大學制。分中國文學系。各國文學系。中國哲學系。西洋哲學系之例。應於醫學院內。規定中國醫學系。博採約取。精研深造。亦可與西醫互有發明。並行不悖。〔丙〕請通行各省。設立中醫改進研究會。兼設醫校醫院。校中特設中醫專修科。加授西醫。醫院分設中西醫診病。並可如西醫之注重實驗。不涉空虛云云。此案尙未奉到中央政府指令。而本年三月。接上海特別市中醫協會電開。此次少數西醫。在中央衛生部。議將中西醫藥。強分新舊。並提出廢置舊醫等議案。事關民衆生計健

康至爲重要。業經登報否認。並召集全國醫藥團體聯合大會。議定辦法。以謀對付。定於三月十七日舉行。囑剋日推出代表。攜帶證書到會等語。本會當即推選會中陳理事。前往參加。出席會議。冀有嚴重辦法。良好結果。嗣又接滬上中醫界友人來函。謂報載中央衛生委員會討論案中。有廢止舊醫案。暨制定中醫登記年限案。催請限制中醫生案。均屬禁絕中醫之警告。該會此次會議。全體西醫一齊出席。用撼山吸海之氣力。爲網地羅天之計畫。如果所議實行。全國中醫勢將淘汰絕迹。中藥亦將從此拋棄盡淨。非設法取銷其議案不可等語。由此觀之。我黃農數千年之絕學。我中國四百兆之民命。我中藥億萬數之財源。殆將盡於今日乎。天下事衆擎易舉。一木難支。凡我中醫中藥各界同人。宜具熱忱毅力。急起直追。持極光明極正大極充足之理由。合羣策羣力。與之反抗。直達中央政府。請其秉公裁決。勿聽任衛生部少數西醫任意妄駁。則中國醫藥前途。庶有一線生機。全國幸甚。臨穎不勝迫切之至。謹啓。

# 專著門

## 靈素生理新論

楊如侯先生著續四十七期

### 第十一章 外形篇九

#### 第三節 論十二脈之標本

讀靈樞衛氣篇知十二經脈之有標本也。十二經脈之本。出於手足之腕踝。其標在於胸腹頭氣之街。標者猶樹之稍。秒秒絕而出於絡外之徑路也。本猶木之根幹。經脈之血氣從此而出也。茲釋經旨備詳於下。

#### 足經標本

足太陽之本。在跟以上五寸中。其標在於兩目。而出於頭氣之街。夫氣在頭者。止之於腦。兩目之脈。入於腦而絕於內也。故經曰。足太陽之本在跟以上五寸中。標在兩絡命門。命門者目也。

足少陽之本。在足竅陰之間。其標在耳窗籠之前。而出於頭氣之街。故經曰。足少陽之本。在竅陰之間。標在窗籠之前。窗籠者耳也。

足少陰之本。在內踝下上三寸中。其標在於背腧。與舌下之兩脈。而出於胸氣之街。蓋氣在胸者。止之膺與背與。謂絡脈之循於胸者。或絕於膺胸之間。或行至背腧而始絕也。根結篇曰。少陰結於廉泉。舌下兩脈。廉泉玉英也。西人謂之舌下腺

蓋少陰主先天之精氣。及受藏水穀之精。故從本經之絡脈。而出於胸氣之街。復從任脈而出於廉泉。從衝脈而下出於脛氣之街。少陰爲水臟。而富於精血者也。故經曰。足少陰之本。在內踝下上三寸中。標在背腧與舌下兩脈也。

足厥陰之本。在行間上五寸。所標在背腧。而出於胸氣之街。故經曰。足厥陰之本。在行間上五寸。所標在背腧也。

足陽明之本。在足之厲兌。標在人迎頰俠頰額。而出於頭氣之街。頰額者鼻之上竅。以收津涕者也。故經曰。足陽明之本。在厲兌。標在人迎頰俠頰額也。

足太陰之本。在中封前上四寸之中。標在背膂與舌本。而出於胸氣之街。故經曰。足太陰之本。在中封前四寸之中。標在背膂與舌本也。

觀此蓋知三陽之經上循於頭。是以絡脈亦上出於頭而始絕。三陰之脈止於膺胸之間。故絡脈亦至膺與背膂而止也。

手經標本

手太陽之本。在外踝之後。標在命門之上。一寸。而出於頭氣之街。故經曰。手太陽之本。在外踝之後。標在命門之上。一寸也。

手少陽之本。在小指次指之間。上二寸。標在耳後上角下外眥。而出於頭氣之街。故經曰。手少陽之本。在小指次指之間。上二寸。標在耳後上角下外眥也。

手陽明之本。在肘骨中上至別陽。標在顏下合鉗上。而出於頭氣之街。鉗上者耳上也。故經曰。手陽明之本。在肘骨中上至別陽。標在顏下合鉗上也。

手太陰之本。在寸口之中。標在腋內之動處。而出於胸氣之街。故經曰。手太陰

之本。在寸口之中。標在腋內動處也。

手少陰之本。在銳骨之端。銳骨即標骨標在背膕。而出於胸氣之街。故經曰。手少陰之本。在銳骨之端。標在背膕也。

手心主之本。在掌後兩筋之間二寸中。標在腋下三寸。而出於胸氣之街。故經曰。手心主之本。在掌後兩筋之間二寸中。標在腋下三寸也。

按十二經脈之終始。出於井。溜於榮。注於腧。行於經。入於合。而內屬於臟腑。此臟腑之十二經脈也。十二絡脈之本標。乃經脈之支別。故曰此氣之道路也。路絕則徑通。蓋血氣從絡脈之起處爲本。盡處爲標。而出於氣街也。然支絡乃經脈之分派。故曰足太陽之本在跟以上五寸中。足少陰之本在內踝下三寸中。蓋以本支所分之處爲本。而不定在於經腧之穴會也。至於標在頭氣之街者。止之於腦。如太陽之在目內。少陽之在耳中。陽明之在頰額。乃三陽之絡脈。絕於頭腦之中。亦非頭面之穴會也。經脈之內屬臟腑。外絡形

身。應神機之出入。血氣之從絡脈出於氣街。運行於膚表。應精氣之升降。出入廢則神機化滅。升降息則氣立孤危。故曰亭亭淳淳。熟能窮之。言氣血之升降出入。合天地之化育。運行不息者也。

第四節 論氣街為十二經脈氣之徑路

經衛氣篇有氣街之說。以闡明十二經標本。曰。胸氣有街。腹氣有街。頭氣有街。脛氣有街。是為四街。曰街者路也。曰氣街者。氣之徑路也。路絕則徑通。乃絡脈之盡絕處。血氣從此通出於皮膚者也。此即西人所言滲透作用之理止之於腦者。言頭氣之街絡脈盡於腦也。止之膺與背膺者。謂胸氣之街絡脈有盡於胸膺之間者。有從胸上循肩背而始絕者。脈內之血氣。或從膺腋之絡脈盡處。而出於皮膚。或從背膺之絡脈盡處。而出於皮膚也。夫十二經脈止出於頭出之街。胸氣之街者。血氣從下而上出於標也。經云。衝脈者。經脈之海也。主滲灌谿谷。與陽明合於宗筋。陰陽總宗筋之會。會於氣出。而陽明為之長。皆屬於帶脈。而絡於督脈。是陽明之血氣。又從

衝脈而出於腹氣之街。故與衝脈會於臍之左右動脈也。本經動輸篇曰。衝脈與少陰之大絡。起於腎下。出於氣街。循陰股內廉。邪入臍中。臍中乃足太陽之部分。故與足太陽之承山交會於踝上以下。此足少陰又同衝脈而出於脛氣之街也。按四街之說。蓋以經絡血氣出於氣街。與衛氣偕行。環轉無端。或有因氣而逆。因血而逆者。而陽明爲血氣所生之腑。少陰乃先天精氣之臟。復從衝脈出於腹氣之街。脛氣之氣。而充布於皮膚肌腠。使逆者順也。是以動輸篇論足少陰陽明獨動不休者。乃血氣之盛也。

#### 第五節 論谿谷之會

經曰。肉之大會爲谷。肉之小會爲谿。肉分之間。谿谷之會。以行榮衛。以會大氣。名之曰谿谷者。如易所云。山澤通氣。山澤之氣。從谿谷以相通也。人生谿谷三百六十五穴會。卽榮氣與衛氣宗氣大會於分肉間之交點。於此而所謂衛行脈外者。其氣交感於脈中矣。所謂營行脈中者。其氣交感於脈外矣。天構造此穴會。俾陽



津陰液交相感觸而又會以大氣。穀精漸以變化。溫度藉以保存。是榮也衛也。各周行人身一晝一夜。而後大會於手太陰肺。此所謂大會。乃指其會之尤大者言也。而肉分之間。谿谷之會。先有所謂大會小會者焉。肉有大分小分。大分者如股肱之肉。各有界畔。小分者如肌肉之內。皆有文理。然理路雖分。而交相會合。是大分處。即大會處。小分處即小會處也。分會之間。以行榮衛。以會大氣。故名之曰谿谷。谿谷流通。則元真通暢。谿谷阻閉。則榮衛不行。氣壅而肉敗。

如上所述。榮氣與衛氣宗氣大會於分肉之間者。既詳且晰矣。而脈中之榮氣與衛氣交通於孫絡之間者。尤須言之。脈度篇曰。經脈爲裏。支而橫者爲絡。絡之別者爲孫絡。孫絡亦有三百六十五穴。以應一歲之氣。孫絡滿則流溢於大絡。是孫絡外出皮膚。內連經脈。以行榮衛。而脈中之榮。脈外之衛。有交通於孫絡皮膚之間者。亦有三百六十五穴會也。

### 第六節 論肺手太陰經穴

第四十八期 專書門

肺手大陰經穴曰雲門。處仰入胸部四行。在巨骨下。夾氣戶兩旁各二寸。陷者中。動脈應手。舉臂取之。手太陰經氣所發之始也。曰中府。一名處胸部四行。在雲門下一寸。乳中三肋間。陷者中。動脈應手。取之而肺之募。募所聚也。此為經手足太陰之會也。曰天府。去腋下三寸動脈中。以鼻取之。在臂臑內廉腋下一寸。肘上五寸。俠白。在天府下。去肘五寸。動脈中。手太陰之別也。曰尺澤。入肘中約上。約是肉上之橫紋也。取之云臂屈伸骨文間筋。大筋外罅隙。動脈中。為合。水也。曰孔最。在腕上七寸。手太陰郄也。在腕中郄即脈字下同。曰列缺。在腕上一寸半。以手交叉當食指末。筋骨罅中。手太陰絡別走陽明也。曰經渠。在寸口陷者中。為經。金也。曰太淵。一名在掌後橫紋陷者中。為俞土也。難經曰。脈會太淵。太淵亦寸口也。每日寅時脈會於此。故難經又曰寸口者。脈之大會。手太陰之動脈也。曰魚際。在手大指本節後內側散脈中。一曰白肉際陷中。為榮。水也。曰少商。在手大指端內側。去爪甲如韭葉。為井。本也。以上計一十一穴。

肺脈起於中焦。不止一脈。始如散絲。上循胃口入肺。合總為一脈。出中府穴。

上雲門穴。走腋下。至肘中約橫紋。爲尺澤穴。有動脈至寸口。爲診脈之所。至魚際。則脈又散如絲。故不見。上魚際。至大指內側之少商穴。爲金氣所發洩也。觀肺脈散而後合。至魚際又散。凡各種之脈。隱見皆如此。足見脈道。非但是血管也。或與血管會。或與氣管會。或與腦筋交感。或與臟腑相連。內經分別經脈穴道。至精至悉。近世經穴解剖學出。頗能發明經旨。爰節錄之。

附說

雲門 當鎖骨下窩部。有頭靜脈。胸肩峰動脈。分布前胸神經。及鎖骨下神經。  
中府 在雲門下一寸。第一肋間。有大胸筋之處。腋窩動靜脈。及中膊皮下神經。前胸神經。皆在焉。

天府 在腋下三寸。雲門下二寸。即二頭膊筋之部。其深處有上膊骨。分布腋窩動靜脈。及正中神經。筋皮神經。

俠白 在天府下二寸。離尺澤五寸。爲三頭膊筋存在之部分。分布頭靜脈。上膊

卷四十八期 專書門

十六

動脈。及內膊皮下神經。橈骨神經枝。

尺澤 在肘中約紋中。即前膊與上膊之關節部。適當二頭膊筋腱部之外面。

分布尺骨動脈。橈骨動脈。及正中神經。中膊皮下神經。與重要之靜脈。

孔最 在腕之橫紋下七寸。緊接尺澤下。即膊橈骨筋之後部。亦有尺骨橈骨

動脈。分布頭靜脈之枝。神經則有外膊皮下神經。橈骨神經皮下枝。

列缺 離腕橫紋一寸半。有長外轉拇筋。分布橈骨動脈枝。及前項之神經。

經渠 在列缺之右側。筋肉。神經等。俱同前。

太淵 緊接經渠之下。筋肉。動脈。神經等。俱同前。

魚際 在太淵之右下端。拇指之反對筋部。分布第一總指背動脈。橈骨神經。

少商 在拇指內面之第一節。有拇指內轉筋。分布橈骨神經枝（未完）

### 新編傷寒學

費夢麟先生著續四十七期例言

原文有非倒筆法而不能不上下移易其句者。亦應為之正。計凡有八。如「二」太

陽病篇第五條小便不利句。原文在若被下者句下。今據汪琥本修正。〔理由〕蓋小便不利。與失溲不能並見也。〔七〕停飲篇第一條。飲水多句。原文在小便利者句下。茲據柯琴本修正。〔理由〕蓋飲水多為停飲病原。小便利則飲停胃口。小便少則飲停膀胱也。〔十二〕柴胡症篇第一條。首句中風兩字。原文在五六日下。茲據錢璜本修正。〔理由〕並非謂傷寒五六日後復中風也。〔十四〕合病併病篇第十條。脈弦句。原文在發汗則譫語句下。茲據柯琴本修正。將脈弦句移上。頂接太少併病句下。又將五日譫語不止句之五日兩字。改作「若」字。〔理由〕脈弦決非現於發汗之後。五日兩字無謂也。〔十七〕治逆變症篇第二十四條。原文作「利遂不止。脈促者表未解也。喘而汗出者。葛根黃芩黃連湯主之。」茲特修正。將喘而汗出句移於脈促者句上。〔理由〕蓋喘而汗出。為表未解之辛症也。又該篇第四十一條。原文作「太陽病中風。兩陽相煎。其身發黃。陽鬱則欲嘔。陰虛則小便難。陰陽俱虛。喘身則枯燥。但頭汗出。頸項而還。腹滿微喘。」茲特

修正。將身體則枯燥三句移上。緊接兩陽相熏灼句下。並刪陰陽俱虛竭五字。  
 「理由」既云陽盛陰虛。不當復有陰陽俱虛竭之辭。况火却發汗。陰虛陽盛。有是  
 理也。斷無陰虛而陽亦虛者。明係衍句。當刪無疑。身體則枯燥。緊接兩陽相熏灼。  
 其身發黃。緊接但頭汗出。刺頸而還。文意方順。「十八」太陰病篇第一條。自利益  
 甚四字。原文位於食不下句下。茲據吳人駒修正。將自利益當句。移置條末。「理  
 由」自利益甚。明係下後之辭。否則益甚兩字無謂矣。「二十二」厥逆篇第二十  
 條。洩利下重句。原文位於或腹中痛句下。並有或字承接。茲據柯本修正。將洩利  
 下重句移上。緊接四逆句下。並刪或字。「理由」四逆散之治。原為四逆下利症而  
 設。其非或然之證明也。觀方後加減法自知。  
 原文有不合事實非加修正不可者。例如「十」承氣症篇第六七八條。胃中有燥  
 屎。或作燥屎在胃中句。茲編將胃字一概刪去。「理由」蓋燥屎當在腸中。決不在  
 胃也。

原文中有一字之差。茲編爲之修正者凡十三處。如〔三〕桂枝症篇第四條。欲救邪風句之救字。玉函作解。〔六〕結胸痞氣藏結篇第十七條。胸有寒也。句之寒字。千金謂係痰字之訛。〔八〕陽明病篇第三條。不發熱而惡寒句之發字。玉函作惡。又該篇第十三十五兩條。腹滿而喘句之腹字。當是胸字之訛。〔十〕承氣症篇第八條。此爲風也。句之風字。當是實字之訛。又該篇第二十一條。若腹大滿不通句。應是腹滿不大便句之訛。又該篇第二十四條。不惡寒但熱者實也。句之但字。柯琴本作反惡兩字。〔十二〕少陽病篇第五條。脉沉緊句之緊字。金鑑謂係弦字之訛。〔十三〕柴胡症篇第九條。心中痞硬句之中字。玉函作下。〔十四〕合病併病篇第五條。少陰負趺陽者。句之陰字。當是陽字之訛。〔十七〕治逆變症篇第十一條。胃中寒冷句之寒字。柯本作虛。〔二十四〕陰陽易及瘥後病篇第六條。胸上有寒句之胸字。玉函作胃。凡此各字。悉加修正。

原文中有贅字衍句。茲編爲之修正者。凡二十一處。如〔二〕太陽病篇第十二條。

不買稀汗倒字。有「何以知然」四字。據柯本刪。又第十三條。若身重心悸者句。若身之間。有「下之」二字。據柯本刪。〔三〕桂枝症篇第六條。此為榮氣和句下。有「榮氣和者外不諧以」八字。故爾下有「以榮行脉中。衛行脉外」九字。據吳儀洛本一並刪去。又第十六條。浮為在外句下。有「而反下之。故令不愈。今脉浮。故知在外」十五字。據柯本刪。又第十七條。太陽病下之。據下有「後」字。可與桂枝湯句下。有「方用前法」四字。據玉函刪。〔八〕陽明病篇第三十六條。本作「瀉寒本自寒下。醫復吐下之。寒格。更逆吐下。」茲特刪寒下吐下五字。將寒格二字移上。〔理由〕蓋寒下不通。醫復吐之。方與更逆相應。正不必言下也。〔十〕承氣症篇第一條。故也之間。有「使不大便」四字。據柯本刪。又第五條。大便硬者句。便硬之間。有「微」字。亦據柯本刪。又第七條。宜大承氣湯句上。有「若有燥屎者」五字。茲特刪去。〔十二〕柴胡症篇第六條。胸脇滿者句。滿者之間。有「不去」二字。據柯本刪。〔十四〕合病併病篇第七條。胃中燥句下。有「煩實」二字。據玉函刪。〔十七〕



治逆變症篇第七條。必吐不止句。吐不之間。有「下」字。據柯本刪。又第三十六條。不解必圍血句。不解上有「到經」二字。茲特刪去。又第四十三條。被火劫故也句。火劫之間。有「氣」字。據柯本刪。〔十九〕少陰病篇第二條。若小便色白者句。下有「少陰病形悉具小便白者」十字。故也之間。有「令色白」三字。茲特刪去。〔二十〕厥逆篇第四條。病者手足厥冷句。下有「言我不結胸」五字。據總病論刪。又第十一條。厥終不過五日句。下有「以熱五日」四字。據柯本刪。〔二十三〕霍亂病第二條。此名霍亂句。下有「霍亂自吐下又利止復更發熱也」十三字。茲特刪去。凡此刪正。均無碍於原文也。

原文中有因義不明。必須酌加字句。茲編爲之修正者。凡九處。如〔二〕桂枝症篇第十一條。與承氣湯句上。根據玉函加「未可」兩字。若頭痛者必衄句。今特修正。者字改爲「不已」二字。必明下加「而解」二字。〔七〕停飲篇第五條。傷寒汗出而渴者句。而渴之間。根據柯本加入「心下悸」三字。〔八〕陽明病篇第二十條。傷寒

脈遲六七日句下。根據金鑑意加入「厥而下利」四字。「十」承氣症篇第五條。其後發熱者句。發熱之間。根據玉函。加一「潮」字。又第十一條。得之二三日句下。根據柯本加入「不大便」三字。「十九」少陰病篇第二十二條。脈不還者死句。根據玉函作「不還不溫者死」。「二十」附子症篇第五條。身體疼痛句下。根據金鑑加入「下利清穀」四字。「二十一」厥逆篇第十七條。後日脈之其熱續在者句。根據柯本作「後三日脈之其熱續在脈和者」。凡此加正。俾明經義。原非得已也。

原文方名有可疑者。爲「六」結胸痞氣藏結篇第九條。「三」與三物小陷胸湯白散亦可服。「醫宗金鑑」主張刪去「小陷胸湯」與「亦可服」七字。頗覺切當。茲編據以修正。

原文方藥有可疑者。爲桂枝去桂加茯苓白朮湯一方。醫宗金鑑云。去桂二字。應是去芍藥。方切症情。其言頗當。蓋服桂枝湯或下之。仍頭項強痛。翕翕發熱。是表症猶在。何得去桂。無汗心下滿微痛。小便不利。正當去芍藥而加苓朮也。茲編

據以修正。〔見治逆變症篇三十一條〕

原文方藥有須補正者凡二。其一爲甘草瀉心湯。原文僅六味。無人參。據金匱狐惑篇所載甘草瀉心湯。共七味。中有人參三兩。又攷醫壘元戎伊尹甘草瀉心湯。亦七味。有人參。足見原文無人參者。定係脫漏也。其二爲大黃黃連瀉心湯。原文僅二味。無黃芩。據金匱瀉心湯方。治心氣不足吐衄之症。即本方中有黃芩一兩。又攷千金翼註。亦謂此方。必有黃芩。足見原文無黃芩者。定係脫漏也。茲編悉爲之補正。〔見結胸痞氣藏結胸裁方〕

原文方後所載有須移正者。爲「一服汗者停後服汗多亡陽遂虛惡風煩躁不得眠也。汗多者溫粉撲之」一條。原書位於大青龍湯方後。茲編根據柯本。移置麻黃湯方後。爲之修正。按溫粉未詳。吳鶴臯醫方攷有撲粉方。用龍骨牡蠣糯米各等分爲末。謂服發汗藥。汗出過多者。以此粉撲之。其汗自止。又孝慈備覽載撲身止汗法。用麩皮糯米粉二合。牡蠣龍骨二兩。共研極細末。以疏絹包裹周身撲

傳四十八期 專著門

二十四

之。功能止汗。想係溫粉一流耳。

原文方後所載有須刪正者。為梔子甘草豉湯。梔子生薑豉湯。梔子厚樸湯。梔子乾薑湯等四方。方後「得吐者止後服」六字。均係衍誤。原四方之用。並不在湧吐也。茲編根據張志聰本。一概刪去。「見治逆變症篇載方」其他方後似為叔和按語者。概亦付之刪去。茲不贅舉。例言終 原編例言之後係仲景原序一篇茲不重載

# 論說明

## 中國醫藥存廢問題

趙意空

自報載中央衛生委員會議有廢止中醫中藥案之提議。全國中醫藥界同聲反對。交電交馳。平心而論。中西醫藥俱以愈病爲目的。中醫中藥。苟無愈病之能力。當早歸天然淘汰。今乃不受淘汰。而能於西醫輸入數十年後。仍爲社會所信仰。應民衆之需要。其學術之不可消滅也明矣。茲就其學理上成績上與國計民生之關係上。及輓近學術界之趨向上。而討論其存廢問題。

〔一〕學理 方今西醫自以爲科學化。斥中醫側重哲學。應即廢除而不知中國醫學發明最古。內經洞性命之源。本草爲格致之祖。其學理實根據於科學。進而爲精密之討論。故又側重於哲學。夫人乃有情志之動物。雖五官百骸之構造類於機械。然七情五志。實占病原之一大部分。故心理療法。爲良醫之所重。

又中醫治法。以氣化爲主。陰陽五行之說。實本諸天文曆數氣象諸學。苟以科學之眼光研究之。在在均合於自然學科之原則。今不深究中醫中肯定假定諸名詞。一概以空談目之。不值識者一笑矣。總之中醫之側重哲學。實中醫之特長。孫總理云。諸君都知道世界上學問最好是德國。但是德國現在研究學問的人。還要研究中國的哲學。去補救他們科學之偏。吾不知西醫學者對此又作何解。

二二成績 民族之蕃殖。與醫藥之退步爲止比例。我國人民有四萬萬之衆。爲全世界最大民族。未始非中華醫藥之賜。若謂中醫疏於防疫滅菌之法。不足保民族之康健。然疫癘發生。往古已有。中醫治療。具有專書。若不能撲滅奏效。傳染死亡。中華民族早無噍類。不待西醫之輸入矣。既前者中國未嘗因無西醫。而生產率減少。今者又未嘗因有西醫。而延壽率激增。以此判中西之優劣。尙不可。况消滅乎。

〔三〕國計民生之關係 我國富有天產藥品。每年貿銷價值。不可數計。實爲天然之利藪。其有關於國計民生。至大且鉅。中國醫學發達。則國產藥材將爲輸出之原料。於國際貿易上。頓增收入。若中國醫學廢而不講。則國產藥品等諸樵薪。非特輸出銳減。抑且輸入驟增。經濟上之損失。國計民生。交受其困。赤心謀國之士。當不出此。

〔四〕學術界之趨向 西醫輸入。中醫倍受摧殘。排斥。軒歧聖學。不絕如縷。然學術存廢。視真理爲依歸。晚進集會設校。中國醫藥之基礎。益以鞏固。試觀已往之經過。足定將來之存廢。前在民國三年。汪大燮長教部時。北京醫學會請求立案。汪對代表云。余決意今後廢去中醫。不用中藥。所請立案。碍難照准。斯可見當日教部欲廢止中國醫藥。未嘗不具決心。然以全國中醫。同聲憤激。組織醫藥救亡團。赴國務院及各部請願。當奉國務院批示云。查中國醫學肇自上古。傳人代起。統系昭然。在學術固已蔚爲專科。即民生亦資其利賴。前此部定

醫學課程。專取西法。良以歧行不至。礙事無功。先其所急。救難兼採。初非有廢棄之意也。斯又可見當日政府之意旨。因學者之趨向而轉圜。嗣後中醫學界。集會設校。羣起研究。以救亡圖存。然終以中醫學校未列入學校系統。爲前途發展之阻力。故以十四年中華教育改進社開會於太原之時。由本會同人提出此案。經醫學組之研究。而通過於大會。同年全國教育會聯合會開會於長沙。亦通過此案。不過北廷教部未及實行爲憾耳。斯亦可見全國教育界之趨向矣。再以東鄰爲證。日本自明治維新之際。卽廢棄中醫。然中醫學術。並未因之而消滅。客歲東洋醫道會成立。力求興復古法。其宣言謂泰西醫學。漸變其歸趨。已覺醒所謂科學精粹。純味藥之效果。反不如韋根樹皮之生劑。因歐米大戰作一轉機。於是生復活古醫道之機運。德國既行研究本草。亞米利加落花來研究所亦由中國聘漢醫。將拓新圖。當此之時。猶皇國墨守舊套。醫道仍拜歐美之後塵。豈非不勝浩歎者耶云云。夫日本於中國醫藥。爲間接之國粹。



尙保貴君此。而謂我數千年相傳之學術。可一但廢棄之乎。善哉薛部長之言。曰。醫無新舊。學無中西。要以實事求是能合真理爲依歸。讀此則中西醫界。亦可泯去門戶之爭。而從事於真理之探討矣。

綜此以觀。中國醫藥。不但無廢止之可能。且有提倡之必要。用科學之方法。整理國故。以哲學之理論。補科學之偏枯。改進研究。是所望於主持衛生醫藥之責者。

### 論改進中國醫藥之方法

楊煥文

自中央衛生委員會議西醫余岩等有廢止中醫中藥之提案。全國醫藥界。遂集合團體赴京請願。在此奮鬥激昂之際。得閱報載薛部長對天津益世報駐京記者之談話。謂其不獨不反對中醫。尤願提倡。蓋中醫自神農迄今。爲我國社會所需要。人民所信仰。實有存在之必要。外間所傳。殊屬誤會。但庸醫殺人。當然取締。予願中醫科學化。西藥化。刻正舉辦登記。爲整理之標準云。仁者之言。其利溥哉。

夫此非僅我中醫藥界同人之營業問題。實五千年來國粹的存亡。四萬萬衆民族的生存關係。而又爲我中醫藥界改進之方針。但如何而科學化。如何而西藥化。此本論所應研究之二要點也。

〔一〕科學化 中國醫藥之發明垂五千年。在泰西紀元以前。殆三十世紀。然至今尙不能成爲科學者。因歷代承學之士。各是其說。炫奇立異。必使宇宙萬有之原理原則。變爲虛玄之空談。不知我國醫藥之發明。神農嘗草著經。軒歧仰觀俯察。本具格致之精神。故以科學解之。陰陽爲相對理論。五行爲假定名詞。干支屬圖騰記號。生尅乃乘除盈絀。五運六氣。是大氣變遷。神魂意志。是心理現象。一經解釋。真理昭然。若能以科學方法。整理國故。闡發新知。則經驗爲科學智識之母。我國數千年相傳之醫術。再經過比較歸納演繹之推論。成爲系統之學科。吾逆料將來中醫所貢獻於國際醫界者。有不可限量也。

〔二〕西藥化 我國藥物。草根樹皮之生劑居多。以與泰西鍊精取汁之科學製

品。相形見絀。無庸爲諱。然經數千年之經驗。其功用亦復明確。試取西醫之藥物學細勘之。其所言性質。與中醫相符者。殆十居四五。故麻黃一經西製。卽能推銷全球。阿膠止血。早用以治經產勞損。而德醫則驚爲新發明。諸如此類。誠能推而廣之。改良製造。其所貢獻於國際醫界者。尤大且巨也。

以上所述之科學化西藥化。實中國醫藥改進之圭臬。然欲改進。必先培育人材。苟不予中醫藥學校立案。列入學校系統。則人材何出。是則提倡獎勵。仍不能不望諸政府也。

### 論哲學與醫學之關係

名譽  
理事 張錫純

近閱醫學誌報。多有謂哲學可累醫學之進步者。其人蓋不知哲學作何用。並不知醫學所由昉也。詩云既明日哲。以保其身。此身不陷於罪戾爲保身。此身不困於疾病亦爲保身。觀詩之所云云。是其人必先有明哲之天資。及明哲之學問。而後能保其身也。而此明哲保身之天資學問。在修士原爲養生之道。此修士之養

生。所以名爲哲學也。特是仁人君子之存心。能自養其身。又欲人人皆能自養其生。然人不皆能明明哲保身。其養生之道有虧。自不能不生疾病。於是推廣哲學之理。以創立醫藥。爲不能自養其生者之贊助。而哲學之包括。始能恢弘無外。是以自古醫界著述諸家。若晉之葛稚川。南北朝之陶隱居。唐之孫思邈諸人。所著之書。皆可寶貴。實皆爲哲學家也。至明之李瀕湖著本草綱目。於奇經八脈。獨取張紫陽之說。紫陽亦哲學家也。如以右所引徵者仍不足憑。更可進徵諸內經。內經爲黃帝講明醫學之書也。而其首篇上古天真論曰。上古有真人焉。處攝天地。把握陰陽。呼吸精氣。獨立守神。肌肉若一。故能壽敝天地。此言真人稟天地之菁英。得陰陽之靈秀。而能保護不失。有若提携把握。且能呼吸精氣以補助之。獨立守神以凝固之。故能變化氣質。使肌肉若一。壽數無窮。此上古真人誠爲一大哲學家。不啻黃帝自現身說法也。夫內經既爲黃帝講明醫學之書。而必以哲學開其端者。誠以哲學者保身之學也。人必先能自保其身。而後能代人保其身。保

己之身用哲學。所以變理己身之氣化也。保人之身用醫學。亦因先洞悉己身之氣化。自能代人人變理其身中之氣化也。由斯知哲學實爲醫學之本源。醫學即爲哲學之究竟。此所以內經爲講明醫學之書。而開端必先言哲學也。哲學又何至累醫學哉。然此非徒託空言也。更可進而徵諸事實。且可徵諸一己之事實。愚資稟素強壯。心火頗旺。而相火似有不足。是以飲食不忌寒涼。恒畏坐涼處。年少時不以爲意也。迨年過四旬。相火之不足益甚。偶坐涼處即泄瀉。因此身體漸覺衰弱。然素以振興醫學爲心。而著述未就。恐虛度此一生。遂於每飯之前。服生硫黃少許。以補相火。頗有效驗。然數日不服。則畏涼如故。後見道家書。有默運心火下行。可溫補下焦之語。效而行之。氣機初似不順。乃於呼吸之際。精心體驗。知每當呼氣外出之時。則腎必上升。心必下降。於是隨其下降之機。而稍爲注意。俾其心腎互相交感。行之數日。即覺丹田生煖。無庸再服硫黃矣。後讀內經四氣調神篇。至使志若伏若匿。若有私意。若已有得。數語。益恍然悟會。乃知所謂若伏若

匿者。卽引心火下行也。所謂若有私意者。是既引心火下行。復俾心腎之氣。互相交感。而有欣欣之意也。道家會合嬰兒姤女之法。卽從此語悟出。所謂若已有得者。丹田真陽積久。元氣壯旺活潑。守臍不去。此實爲已之所得。而永久不散失者也。因悟得內經此程真旨。遂專心遵行。今年已七十矣。膂力精神。毫不衰老。卽嚴冬食冰。亦無復顧忌。是哲學誠可濟醫藥之窮也。哲學又何至累醫學哉。

不但此也。醫者誠能深於哲學。其診病之際。直如飲上池之水。能洞鑑病源。毫無差謬。是以拙著衷中參西錄中。曾載有詳論靜坐之法。〔在五期第一卷〕欲醫者由靜坐之功。以悟哲學也。若有以愚言爲不可確信者。愚可引一事以爲比例。催眠數之術。中西所共認。而寢將加入科學者也。其行術時。必將其人後天之智識閉住。但用其先天之靈明。而後詢之。能知所未知。見所未見。至深於哲學者。後天之思慮靜盡。先天之靈明日開。所以凡事亦皆能未見而知。用他人先天之靈明者。謂之術。用一己先天之靈明者。謂之道。用道不遠勝於用術乎。善哉百川會

長之言曰。中醫原出道家。初皆注也。於修養。功候既至。能明瞭自身之臟腑。便能得古人氣血循環。此誠開天闢地之名論也。是以拙著書中。多論及哲學。非以鳴高也。實欲醫者兼研究哲學。自能於醫學登峯造極也。

### 中國醫學沿革概論

選 譯 楊煥文

#### 論兩晉隋唐之醫學

我國醫學涵量最富。包羅極廣。於醫藥療治以外。又有服食導引之說。此派以兩晉隋唐為最盛。而實淵源於佛道二教。觀晉葛洪肘後方。陶宏景補其闕漏。得一百一首。為肘後百一方。百一名詞。即基於佛教一百一病之說。且其書中神仙不老之方。又屬道家服餌採鍊之術。及唐代中國佛教盛行。佛之學說。遂亦混入醫學。千金方曰。凡四氣合德。四神安和。一氣不調。百一病生。四神合作。四百四病。同時俱發。可為佐證。然孫思邈晚年作千金翼。論傷寒者居半。蓋始得仲景要方而發明之。但其採及後世臆說。未免駁雜不純矣。徐洄溪曰。仲景之學。至唐而一變。

仲景之治病。其論藏府經絡病情傳變。悉本內經。而其所用之方。皆古聖相傳之經方。並非私心自造。間有加減。必有所本。其分兩輕重。皆有法度。其藥悉本于神農本草。無一味游移假借之處。非此方不治此病。非此藥不能成此方。精微深妙。不可思議。藥味不過五六品。而功用無不周。此乃天地之化機。聖人之妙用矣。與天地同此不朽者也。千金方則不然。其所論病。未嘗不依內經。而不無雜以後世臆度之說。其所用方。亦皆採擇古方。不無兼取後世偏雜之法。其所用藥。未必全本於神農。兼取雜方單方及通治之品。故有一病而立數方。亦有一方而治數病。其藥品有多至數十味者。其中對症者固多。不對症者亦不少。故治病亦有效有不效。大抵所重端在於藥。而古聖製方之法。不傳矣。此醫道之一大變也。然其用意之奇。用藥之巧。亦自成一家。有不可磨滅之處。至唐王焘所集外臺一書。則纂集自漢以來諸方。匯萃成書。而歷代之方。於焉大備。但其人本非端家之學。故無所審擇。以爲指歸。乃醫方之類也。然唐以前之方。賴以存。其功亦不可泯。但讀之



者苟胸中無成竹。則衆說紛紜。羣方淆雜。反茫然失所據。故讀千金外臺者。必精通於內經仲景本草等書。胸中先有成見。而後取其長而舍其短。則可資我博采之益。否則反亂人意。無所適從。洵定論也。

# 纂述門

(生理類)

## 中西醫總論第一綱生理門

名譽 陳澤東

### 手太陰肺經之脈

原經文凡論某經之脈。卽下列本經之病。是編以生理爲門類。不言其病。移入後病源門內。下仿此。

肺。手太陰之脈。起於中焦。下絡大腸。還循胃口。上膈。屬肺。從肺系橫出腋下。循臑。內行少陰心主之前。下肘中。循臂內上骨下廉。入寸口。上魚。循魚際。出大指之端。其支者。從腕後。直出次指內廉出其端。〔臑音臑。腋外臂骨內尻也〕

〔註〕愚按。此承上文而言經脈通行之路。後十一經及別絡皆此義。又按。

此篇言經脈起行出入九針十二原篇。言井榮輸經合原。皆言人身氣血

循環出入之義。西醫所言出血管回血管之義。與此義相通。然吾醫聖先言之矣。

張隱菴曰。膈者胸內之膈肉。前連鳩尾。後連脊之十二推。胸兩旁肋側爲腋。膊肉尻處爲臑。臑盡處爲肘。肘下節爲臂。廉者側也。寸口兩寸頭動脈處。魚際掌中大指根下高起之肉如魚腹。故名魚。

愚按脊之十一推。即脾俞部也。所謂膈肉之後尾。及於脾俞之內。即募原也。

又接手太陰之脈起於中焦。下絡大腸。橫行臂肘手指。而不及頭項。以其下絡大腸。故爲大腸經脈之裏也。○本經原文次序。始於肺。終於肝。而是編則以表裏次之。爲易讀也。

肺經十一穴名 左右共二十二穴

中府 雲門 天府 俠白 尺澤 孔最 列缺 經渠 太淵 魚

第四十八期 雜論門

四十

際 少商 ○各穴之遠近淺深及刺法補瀉另有專書茲從畧。

肺經穴歌 張氏編後同

太陰肺兮出中府。雲門之下一寸許。雲門璇璣旁六寸。巨骨之下二寸數。天府腋下三寸求。俠白肘上五寸主。尺澤肘中約橫紋。孔最腕上七寸取。列缺腕側一寸半。經渠寸口陷中主。太淵掌後橫紋頭。魚際節後散脈舉。少商大指端內側。相去爪甲韭葉許。

手陽明大腸之經脈

太腸手陽明之脈。起於大指次指之端。循指上廉。出合谷兩骨之間。上入兩筋之間。循臂上廉。入肘外廉。上臑外前廉。上肩出髃骨之前廉。上出於柱骨之會上。下入缺盆。絡肺下膈。屬大腸。其支者。從缺盆上頸。貫頰。入下齒中。還出挾口。交人中。左之右。右之左。上挾鼻孔。〔髃音虞。肩頭骨縫也。〕

張註曰。大腸傳導水穀。變化精微。故主所生津液病。

愚按手陽明之脈。起於手大指次指之端。上循臂肩柱骨。絡肺下膈。屬大腸。而不及顛額。以其絡肺下膈。故爲經脈之表也。○此十二經之脈絡。當與後臟腑紀說參看。

手陽明大腸經二十穴名 左右共四十穴

商陽 二間 三間 合谷 陽谿 偏歷 溫溜 下廉 上廉 三里  
 曲池 肘髎 五里 臂臑 肩髃 巨骨 天鼎 扶突 禾髎 迎香

### 大腸經穴歌

商陽食指內側邊。二間來尋本節前。三間節後陷中取。合谷虎口歧骨間。陽谿上側腕中是。偏歷腕後三寸安。溫溜腕後去五寸。池前五寸下廉看。池前三寸上廉中。池前二寸三里逢。曲池屈骨紋頭盡。肘髎大骨外廉迎。大筋中央尋五里。肘上三寸行向裏。臂臑肘上七寸量。肩髃肩端舉臂取。巨骨肩尖端上行。天鼎喉旁四寸真。扶突天突旁五寸。禾髎水溝旁五分。迎香禾髎上。

一寸。大腸經穴是分明。〔膠音聯體骨也。卽骨之寬而匾處也〕

### 經筋爲神經說

楊煥文

我國筋字从肉从力。以肉之力也爲訓。則筋之非肉明矣。前者西醫輸入。譯學家將肌肉譯爲筋肉。於是我國經筋之作用。遂以大晦。近年醫學名詞審查會。改譯爲肌。然筋究指何物。尙未明定。考經筋篇。足太陽之筋散爲目上網。足陽明之筋散爲目下網。所以約束目睫。司開闔也。足少陽之筋結於目眦爲外維。所以司目睛左右盼視也。太陽之筋在外主仰。少陰之筋在內主俛。所以司俯仰屈伸也。由是知百體之運動。皆以筋爲之主。人身十二經筋。聯綴百骸。維絡周身。大筋連於骨筋之間。小筋絡於骨肉之外。繡縱卷舒。各效其職。俛仰屈伸。各效其用。是其作用純爲神經作用。而所論病理。如轉筋、痙攣、口目僻、脊痛、臂痛、腰痛、膝痛、痺痿諸證。又皆爲神經證。故筋、肉既改譯爲肌。則神經當譯爲筋。西醫謂神經血管相輔而行。不能分離。我國以十二經脈配十二經筋。脈爲血管。筋爲神經。又復奚疑。

## (衛生類)

## 水之清潔法

理事

趙意空

水爲生活要素之一。人不能一日或缺。普通來源。有河流雨水井泉三種。晉省多山。人民飲料多取給於井泉。然因礦產豐富之故。水中多含礦質。俗分爲苦水甜水兩種。卽化學家所謂硬水軟水也。苦水固不適於飲用。甜水亦不純清潔。比年疫厲時作。未嘗不因水料不潔之故。茲將水之清潔法臚列於左。以爲注意衛生者之採用。

(一)煮沸法 水當煮沸時。其中所含之炭酸氣放散。鹽類卽沈澱。故水之硬度和鐵氣卽稍減。又煮至七八十度時。普通細菌卽可死亡。百度以上。連煮三四小時。病原菌卽可撲滅。故當傳染病流行時。煮沸法當特別注意。

(二)明礬沉澱法 污濁之水。放入明礬。卽可澄清。此爲相傳古法。其故因礬與水中之炭酸鈣化合而成硫酸鈣和輕養化礬土。又有於瘟疫流行時。將黑豆

或貫仲放於水缸內。取其敗毒清熱之意。

〔三〕濾水器 用陶製之水桶一具。下面開一小孔。中間隔以細孔透水之板。上鋪炭屑、砂礫、鐵絲與石棉。或棕櫚皮等層層相間。使水由上部漏下。則水即變清。其中所含之有機物與微生物均可漏去。

〔四〕芥子油清潔法 此為日本岡田博士實驗所得。於一百格蘭姆水中。滴入芥子油一滴。則可將水中所含細菌消滅。且芥子油揮發性甚強。滴油混和後。經過三小時之消毒。再攪數回。水即不含臭味。

### (病理類)


## 燥氣之研究

續第四十七期

名譽  
專  
邱揚明

更以易卦觀之。子月冬至一陽生。其卦復☱。丑月二陽生。卦臨☱。寅月三陽生。卦泰☱。卯月四陽生。卦大壯☱。辰月五陽生。卦夬☱。巳月六陽生。陽之極矣。卦為乾☰。陽極則陰生。午月一陰生。卦姤☱。未月二陰生。卦遯☱。申月三陰生。卦否☷。酉





原件短缺

P 45—46

頭風一症。命名新穎。取義奇特。細考方書。觀其症狀。與頭痛之病約畧相似。本無大異。然不曰頭痛而曰頭風者。其中寓有深意焉。夫頭痛一病。有內外之殊。寒熱之異。病雖輕淺。藥貴得當。每觀方書頭痛門。風藥纍纍。觸目皆是。且不究內外。不分寒熱。概雜用羌防紫葛升提辛散。殊不知病因既別。寒熱異途。藥既誤用。病隨藥進。展轉遷延。釀成此症。則致病之源。良由風藥造成。故曰頭風。顧名思義。其旨恍然矣。蓋頭爲諸陽之會。六陽經齊上於頭。六淫之邪。五志之火。俱能致病。故病雖同。而所以致痛者則不同耳。若不究根源。漫然施治。未有不債事者也。方書未明斯旨。惑於風字。專事風藥。若是寒濕。尙爲針對。其餘暑燥火三氣。俱是陽邪。以陽助陽。其弊立見。倘陰血虧虛。肝木橫逆。化風上揚。沖激腦經之頭痛。誤與風藥。則教猱升木。尤爲鳩毒。且明知是火症。須用三黃。又加酒炒。其意以病在頂巔至高之位。藥汁難中病所。故借升提之品。引而上之。理想之陋。尤爲可鄙。總之見症治症。察其虛實。視其寒熱。因症用藥。庶無遺誤。若頭痛醫頭。不特效者甚鮮。抑且

病隨藥進。禍不旋踵矣。

(診治類)

治病序例

續四十七期

雜證門

瘡經曰。夏傷於暑。秋必痲瘡。其證大都多熱多寒。或熱多寒少。或寒多熱少。或單熱不寒。或單寒不熱。或先寒後熱。或先熱後寒。或有汗無汗。或汗少汗多。或自汗盜汗。或頭疼骨痛。或大渴引飲。口苦舌乾。或嘔吐不思食。或煩躁不得眠。或大便燥結。或瀉利。或連發。或間發。或三日發。或發於陽。或發於陰。要皆中氣不足。脾胃虛弱。暑邪乘虛客之而作。雖隨經隨證投藥解散。必先清暑益氣。調理脾胃為主。有食者兼消導奪食。有風兼散風。有老痰伏飲者兼豁痰逐飲。感瘴癘者兼消瘴癘。汗多者固表。無汗者解表。泄利者升發兼利小便。便燥者兼益陰潤燥。病有陰陽。藥分氣血。證有緩急。治因先後。人有虛實。法異攻補。久而不解。必屬於虛。氣虛

者補氣。血虛者補血。兩虛者氣血兼補。非大補真氣大健脾胃不得瘥也。

忌破氣。下。諸藥俱見前。瘡必由於中氣虛。破氣則傷中氣。邪不得解。甚則中滿不思食。作泄惡寒口乾。惟傷食宜消。不同此法。誤下則邪氣陷於內。變爲滯下。或腹滿腫脹嘔惡不思食。凡屬破氣下泄藥。切戒勿施。宜清暑益氣。健脾開胃。兼消痰。宜分臟腑手足六經所見證施治。三陽經瘡邪客之者。其證多熱多渴。亦易得汗。藥宜大劑急逐暑邪。毋使滯留。則病易愈。繼以理脾開胃。大補真氣。蔑不瘥矣。邪在三陽。藥宜辛寒。如石膏知母柴胡甘寒。如葛根麥冬竹葉粳米。苦寒如黃芩之屬爲君。乃可以散暑邪除熱渴。頭疼兼寒甚者。則間用辛溫。如薑皮桂枝以爲嚮導。以伏其邪。則病易退。凡寒甚者。病因於虛。或作勞者。亦因於虛。皆宜甘溫。以人參黃耆白朮爲君。佐以辛甘。如桂枝薑皮之屬。脾胃虛弱飲食不消者。則補之以參朮。佐以消導。如白豆蔻麥芽砂仁草豆蔻枳實橘皮山查之屬。在陽分者。則以當歸牛膝爲君。佐以薑桂。寒

少熱多者。去薑桂加知母麥冬竹葉牛膝鼈甲。瘧病多挾痰。如熱痰須用貝母爲君。自三錢至八錢。竹瀝竹茹花粉橘紅茯苓以佐之。甚者加霞天膏。如寒痰發瘧寒多不渴者。用半夏白朮橘皮鼈甲牛膝爲君。多加生薑皮。瘧病多挾風。有風者必用何首烏爲君。白朮橘皮爲臣。葛根薑皮羌活以佐之。不頭痛者除羌活。暑邪盛。解散不早。陷入於裏則變爲滯下。急投芩連芍藥滑石紅麴甘草。佐以葛根升麻柴胡以表裏分消之。脾胃薄弱者。加人參菡豆蓮肉大劑與之。以愈爲度。滯下若愈。瘧亦隨止。卽不止其勢必輕。仍隨經隨證以治之。不煩多藥而自止也。又暑熱溼之邪內伏。百藥不效者。用獨雄丸立愈。凡勞瘧病人陰不足。或作勞或房勞病發於陰。或間日一發。或三日一發。三日一發爲病深。須以鼈甲牛膝何首烏爲君。橘皮爲佐。發於夜而便燥者。加當歸。脾胃弱者勿加。佐以薑皮。熱甚勿入。大劑與之。日三乃差。

## 附錄諸瘧主治

熱多宜貝母石膏麥冬橘紅乾葛滑石竹葉牛膝知母黃芩柴胡白茯苓烏梅  
 何首烏牡蠣鼈甲。寒多宜桂枝薑皮人參二朮黃耆當歸橘紅半壞草豆蔻  
 白豆蔻炙甘草。汗多宜人參白朮黃耆。秋冬加桂枝。無汗宜乾葛柴胡  
 石膏羌活薑皮人參蒼朮。瘧母宜鼈甲射干牡蠣三稜縮砂桂橘皮青皮人  
 參。凡瘧疾多熱久不解者其人必本陰虛。法當益陰除熱。非鼈甲牛膝不能  
 除也。多寒而久不解者其人必本陽虛。非人參白朮黃耆不能除也。按瘧有  
 山嵐瘴氣停痰留飲而發者。古方類用常山砒霜等吐之。今人誤執其方見瘧  
 輒用。不知二藥有大毒。損人真氣。犯之多致危殆。慎之慎之。

### 詳論吐衄治法

名譽 張錫純

內經厥論篇。謂陽明厥逆衄血。此陽明指胃腑而言也。蓋胃腑以熟腐水穀。傳  
 送飲食爲職。其中氣化以息息下行爲順。乃有時不下行而上逆。胃中之血亦恒  
 隨之上逆。其上逆之極。可將胃壁之膜。排擠破裂。而成嘔血之證。或循經絡上行。

而成衄血之證。是以內經謂陽明厥逆衄嘔血也。由此知無論其證之或虛或實。或涼或熱。治之者皆當以降胃之品爲主。而降胃之最有力者。莫楮石若也。是以愚治吐衄之證。方中皆重用楮石。再細審其胃氣不降之所以然。而各以相當之藥品輔之。茲爰將所用之方詳列於左。

平胃寒降湯 治吐衄證脈象洪滑。重按甚實者。此因熱而胃氣不降也。

生楮石〔一兩軋細過羅〕瓜蒌仁〔一兩炒香搗碎〕生杭芍〔八錢〕嫩竹茹細末〔二三錢〕牛蒡子〔二三錢搗碎〕甘草〔錢半〕此拙著三期衷中參西錄吐衄門中寒降湯。而畧有加減也。服後血仍不止者。可加生地黃一兩。三七細末三錢。〔三七分兩次用頭煎藥湯送服〕

吐衄之證。忌重用涼藥及藥炭強止其血。因吐衄之時。血不歸經。遽止以涼藥及藥炭。則經絡溼淤。血止之後。轉成虛勞之證。是以方中加生地黃一兩。而即以三七之善止血兼善化瘀血者以輔之也。

健胃溫降湯 治吐衄證。脈象虛濡遲弱。飲食停滯胃口不能下行者。此因涼而胃氣不降也。

生赭石〔八錢〕軋細過羅〔生懷山藥〔六錢〕白朮〔四錢〕炒〕乾薑〔三錢〕清半夏〔三錢〕溫水淘三次〔生杭芍〔二錢〕厚朴〔錢半〕〕此方亦載三期吐衄門。原名溫降湯。而於其分量略有加減也。吐衄之證。因涼者極少。愚臨證四十餘年。僅遇兩童子。一因涼致胃氣不降吐血。一因涼致胃氣不降衄血。皆用溫降湯治愈。其詳案皆載原方之後可參觀。

瀉肝降胃湯 治吐衄證。左脈弦長有力。或肋下脹滿作疼。或頻作呢逆。此肝胆之氣火上衝胃腑。致胃氣不降而吐衄也。

生赭石〔八錢〕軋細過羅〔生杭芍〔二兩〕川棟子〔四錢〕搗碎〕瓜蒌仁四錢〔炒香搗碎〕生石決明〔六錢〕搗碎〔淨青黛〔二錢〕龍胆草〔二錢〕

鎮衝降胃湯 治吐衄證。右脈弦長有力。時覺有氣起自下焦。上衝胃腑。飲食



停滯不下。或頻作呃逆。此衝氣上衝。以致胃氣不降而吐呃也。

生赭石〔一兩軋細過羅〕生懷山藥〔一兩〕生地黃〔八錢〕生龍骨〔八錢搗碎〕  
生牡蠣〔八錢搗碎〕生杭芍〔三錢〕旱三七細末〔二錢〕分兩次用頭煎次煎藥  
湯送服

滋陰清降湯 治吐衄證因失血過多。陰分虧損不能潛陽而作熱。不能納氣  
而作喘。甚或衝氣因虛上干為呃逆欬嗽眩暈。心血因虛不能內榮。為怔忡驚  
悸不寐。其脈象浮數重按無力者。

生赭石〔八錢軋細過羅〕生懷山藥〔一兩〕淨黃肉〔六錢〕生龍骨〔六錢搗碎〕  
生牡蠣〔六錢搗碎〕生地黃〔八錢〕生杭芍〔三錢〕旱三七細末〔三錢〕分兩次  
用頭煎次煎藥湯送服甘草〔錢半〕此方即三期吐衄門中清降湯。加龍骨牡蠣  
地黃三七也。

保元清降湯 治吐衄證血脫氣亦隨脫。言語若不接續。動則作喘。脈象浮弦

重按無力者。

生赭石〔二兩軋細過羅〕野台參〔五錢〕生懷山藥〔八錢〕淨黃肉〔八錢〕生地黃〔二兩〕生龍骨〔六錢搗碎〕生牡蠣〔六錢搗碎〕生杭芍〔四錢〕旱三七細末〔二錢〕分二次用頭煎次煎藥湯送服此方曾載於三期吐衄門中。而茲則畧有加減也。

保元寒降湯 治吐衄證血脫氣亦隨脫。喘促欬逆。心中煩熱。其脈上盛下虛者。

生赭石〔二兩軋細過羅〕野台參〔五錢〕生地黃〔二兩〕知母〔八錢〕淨黃肉〔八錢〕生龍骨〔六錢搗碎〕生牡蠣〔六錢搗碎〕生杭芍〔四錢〕旱三七細末〔二錢〕分兩次用頭煎次煎藥湯送服此方亦載於三期吐衄門茲則分量畧有變更也。

右所列諸方。用之與病因相當。大抵皆能奏效。然病機之呈露多端。病因亦隨之

各異。臨證既久。所治愈吐血之驗案。間有不用右列諸方者。今試舉數案以明之。奉天警務處長王蓮波君夫人患吐血證。來院診治。其脈微數。按之不實。其吐血之先。必連聲欬嗽。欬劇時卽繼之以吐血。因思此證若先治愈其欬嗽。其吐血當自愈。遂用川貝八錢。煎取清湯四盅。調入生懷山藥末一兩。煮作稀粥。分數次服之。一日連進二劑。欬嗽頓止。以後日進一劑。嗽愈吐血亦愈。隔旬日夜中夢被人凌虐過甚。遂於夢中哭醒。病驟反覆。因知其肝氣必過鬱也。治以調肝養肝兼鎮肝之藥。數劑無效。夜中若作夢惱怒。其日吐血必劇。精思再四。恍悟平肝之藥。以桂爲最要。單用之則失於熱。降胃之約以大黃爲最要。單用之則失於寒。若二藥並用。則寒熱相濟。性歸和平。平肝降胃兼顧無遺。必能奏效。遂用大黃肉桂細末各一錢和勻。更用生赭石細末八錢。煎湯送下。從此吐血遂愈。惡夢亦不復作矣。隔數日又有濟南金姓少年。寓居奉天。其人素強壯。驟得吐血證。其脈左右皆有力。因變通此方。用生赭石細末六錢。與大黃肉桂細末各一錢和勻。開水送下。其

病立愈。後因用此方屢次見效。因將此方登於三期吐衄門中。名之爲秘紅丹。  
又治滄州城東路莊子馬氏婦。欬血三年不愈。即延醫治愈。旋又反覆。後愚診視  
其夜間多汗。遂先用生龍骨生牡蠣淨莢肉各一兩以止其汗。連服兩劑。汗止而  
欬血亦愈。欬此永不反覆。繼有表弟張印權出外新歸。言患吐血證。或旬日或淡  
辰必吐血數口。浸至每日必吐。屢治無效。其脈近和平。微有乳象。亦治以此方。三  
劑全愈。後將此方傳於同邑醫友趙景山張康亭。亦皆用之以治愈白血吐血之  
久不愈者。後又將其方煎湯送三七細末二錢。則奏效尤捷。因名其方爲補絡補  
管湯。登於三期吐衄門中。蓋欬血者多因肺中絡破。吐血者多因胃中血管破。其  
破裂之處。若久不愈。欬血吐血之證亦必不愈。龍骨牡蠣莢肉。皆善斂補其破裂  
之處。三七又善化瘀生新。使其破裂之處速愈。是以愈後不再反覆也。若服藥後  
血仍不止者。可加生赭石細末同煎服。

又治舊滄州北關趙姓。年過四旬患吐血證。其證從前治愈。屢次反覆。已歷三年。

有一年重於一年之勢。其脈濡而遲。氣息虛弱。常覺呼氣不能上達。且少腹間時覺有氣下墜。此胸中宗氣〔亦名大氣〕下陷也。內經謂宗氣積於胸中。以貫心脈而行呼吸。是宗氣不但能統攝氣分。並能主宰血分。因其下陷。則血分失其統攝。所以妄行也。遂投以拙擬升陷湯。〔方在三期書第四卷。係生箭芪六錢。知母四錢。桔梗柴胡各錢半。升麻一錢〕加生龍骨生牡蠣各六錢。服兩劑後。氣息即順。少腹亦不下墜。遂將升麻減去。加生懷山藥一兩。又服數劑。其吐血證自此除根。按吐血證最忌黃芪升柴桔梗諸藥。恐其能助氣上升。血亦隨之上升也。因確知病因係宗氣下陷。是以放胆用之。然必佐以龍骨牡蠣以固血之本源。始無血隨氣升之虞也。

吐衄之證。因宗氣下陷者極少。愚臨證四十餘年。僅遇趙姓一人。再四斟酌。投以升陷湯。加龍骨牡蠣治愈。然此方實不可輕試也。近在津沽有南門外張姓。年過三旬。患吐血證。醫者方中有柴胡二錢。服後遂大吐不止。倉卒迎愚診視。其脈弦

長有力。心中發熱。知係胃氣因熱不降也。所携藥囊中有生赭石細末一兩。俾急用水送下一強半。候約二十分鐘。覺心中和平。又送服其餘。其血頓止。繼用平胃寒降湯調之全愈。是知同一吐血證也。有時用柴胡而愈。有時用柴胡幾至誤人性命。審證時可不細心哉。(未完)

### 失血症治宜靜不宜動說

名譽理事 鄭霞仙

人恃以所生者氣與血耳。氣血交流灌溉周身。榮養百骸。惟血性凝滯。力不能自運。必賴氣爲之運行。故經云氣爲血帥。血隨氣行。蓋血爲陰。氣爲陽。陰主靜伏。得陽以運之。若運行太過。未有不劫絡逼血妄行者。妄行於上則爲吐衄。妄行於下則爲便血。成盆盈碗。危象百出。無非陰氣先虛。陽氣鼓蕩。致令血絡不寧。因而上溢下滲。若滋填攝納。陰得靜伏。陽焰自潛。是即內經陰者陽之守也之旨矣。倘一見失血。便用行血流動之藥。則血絡燔灼。迅奔疾行。終無已時。試觀婦人之崩漏。俗醫只知用四物湯治之。鮮能獲效。蓋崩漏之病。皆陰血既虛。下元無固攝之權。

而孤陽肆擾。失其常軌。所以暴奔直注。勢必大封大固。方能有效。方中芎藭地黃。合法而芎歸豈是良圖。總之失血之症。良由氣血運行太過。治宜靜不宜動。滋填攝納。雙方並進。則陰液既充。陽焰自已。陰陽平秘。自然向安。

### 陰虛牙痛治驗

名譽  
理專 邱明揚

丙寅四月余治一婦年四十許。患牙痛出血。至夜更甚。曾醫治半月。愈加劇矣。先係他醫作風火治。用防風元參荊芥黃柏等藥。數日不效。復作虛火治。用肉桂末。着牙上。痛較甚。又作蟲治。研巴豆肉敷上。遂肉爛而痛更加甚。口閉血即直出。呻吟不絕。勢頗危殆。始黑夜來延余診。余至而察其脈。兩尺沉細。兩寸浮而無力。謂曰。此虛火犯上也。病者云。前醫作虛火治。因更加其。再從此法。得無誤乎。余對以前醫僅聞虛火可用桂。而實未得用桂法。故致此耳。乃仿王冰壯水之主。以制陽光法。用熟地一兩。棗皮五錢。澤瀉牡丹皮山藥茯苓各四錢。骨碎補三錢。雄片上桂各一錢。牛膝根車前草各二錢。煎服。服後左邊痛減。血止。惟右邊被巴豆爛傷。

痛則仍然。再將原方分兩畧為加減。命服二帖。右邊血亦止。痛則如故。始取豆漿敷痛上以解巴豆毒。內服原方。惟桂附俱用五分。餘藥亦畧輕。如此三日。諸恙大減。可進食矣。但傷爛處遇熱食硬物即痛。因命暫用西米調食。後議滋陰養血藥。旬日而安。

### 痢症論治

名譽 楊星垣

痢疾一症。每起於暑天鬱熱。復傷於生冷瓜果。濕熱蘊積膠固於腸胃之中。腹痛刮腸而下。有紅有白。如膿如血。裏急後重。欲下而不能。欲不下而不得。一日夜下數十次。甚或百餘次。困苦萬狀。氣奄一息。若驟止其邪。則生命攸關。不止其邪。則危絕如絲。欲補正而反助邪為虐。欲清氣而下行不暢。不觀古人之治痢乎。痢者利也。以通利為主。因其濕熱膠積於腸胃。所以刮一次則腹痛一次。痛一次則痢一次。頗有前重後急欲下不能之勢。治法宜以油當歸三錢。炒枳實一錢。檳榔三錢。酒炒白芍三錢。蘿蔔子一錢。白頭翁一錢。有血者加炒黑地榆一錢。如膿凍者



加生姜皮五分。此方驅逐其邪。邪氣去而正氣自安。若休息痢。則腹不痛。不必通利。必須按其證。脈之虛實。或清或補。或溫。不難調治而愈。若乳子之患痢疾者。恒不多見。卽有之。必時乳母嗜食瓜果。慣於貪涼。由乳汁而移傳所致。岑用通利。溫化數味。令乳母同服則安。此症最好於冬間買白蘿蔔數十斤。以滾水拖過。攤在瓦上。任經風霜雨雪。至次年孟春後。檢收洗淨。掛於有風無日之處。俟乾用新瓦磁器收藏。遇有痢疾。稱用六七錢。加生姜三片煎湯服飲。小兒減半。無論寒熱。噤口休息等痢。均獲奇驗。須預先製備。所費無多而功德無量也。

### 麻症論治

前人

麻爲小兒之陽毒。蘊於肺胃。所以初起時。勢必咳嗽噴嚏。鼻流清涕。眼胞畧腫。目淚汪汪。惡心乾嘔。面浮腮赤。身體發熱。三五日始見點於皮膚。形似麻粒。色若桃花。形尖稀疎。漸見稠密。有顆粒而無根暈。微起泛而不生漿。一日出三遍。三日出九遍。至六日而始出盡矣。雖較痘症稍輕。而變化則速。始終調治。俱宜留神。必須

謹忌風寒葷腥生冷水菓辛熱等物。凡是葷腥俱能滯毒。菓生則難化。物冷尤能冰伏。伏而不化。毒氣滯留。風寒則易閉塞。毛竅毒何由達。辛熱猶火上加薪。助毒愈橫。之數者於小兒發麻時不可不慎也。况麻症有順逆之分。或熱或退而無他症者爲順。出透三日而後漸收者爲順。紅活潤澤頭面勻淨者爲順。若紅慘紫暗乾焦不潤者爲逆。黑暗乾枯一出卽沒者及鼻青糞黑鼻扇口張胸高氣喘均爲逆而難治。初起用藥。先以清毒解表。使肌膚通暢。腠理開張。毒從汗解。如熱毒深重者。卽紫雪丹之類。隨可採用。倘神昏嚙語灼熱驚狂。二便秘結。卽牛黃至寶丹亦可加入。其有麻發不出氣喘欲絕。用櫻桃汁一杯。燉溫灌服。大有起死回生之妙。此汁須預先製備。濟人活命功德無量。製法用櫻桃十餘斤。入磁瓶內密封埋入土中。二三個月後俱化爲水。凡遇麻症發不出者。燉溫服下。靈驗無比。如臨時欲用無處採辦。用小米一撮（小米卽粟米）要有紅殼者。煎湯不拘時服。一面用芝麻五合。以滾水泡之。乘熱令小兒之頭面薰之。卽出。惟月內之小兒發麻。則

不須服藥。祇要乳母忌食葷腥油膩煙酒辛辣等味。謹其風寒。避其厭穢。當心顧護而已。再麻毒必賴嗽甚而解。切不可見嗽而止嗽。至於泄瀉嘔吐腹痛。亦是麻毒使然。不得妄用補澀之藥。執而不化。以致不救。爲小兒司命者。對於斯症。慎毋忽焉。

### 痘症論治

#### 前人

痘爲小兒先天之毒。感於時氣。散於經絡。胎毒內藏。既有淺深。時氣外觸。亦有善惡。始終皆賴乎氣血。若氣血充暢。則易出易收。氣血不足。則變症不一。治痘者。必須顧全氣血爲主。因氣主形。以起脹。血主色。以灌榮耳。古時種痘。用苗塞鼻。緣鼻爲肺之外竅。其氣先傳於肺。由肺而傳心。由心而傳脾。由脾而傳肝。由肝而傳腎。自五臟而達於骨髓筋膚。五臟傳徧。始能發熱。見點助漿結痂。在乳母備嘗艱苦。晝夜不安。而小兒歷過險關。中途告變者。不知凡幾矣。幸今牛痘盛行。種者亦夥。其種法。擇於兩臂消燂冷滯二穴。或種四顆六顆不等。以胎毒之輕重爲標準。因

此二穴乃手少陽三焦經也。三焦者人身最關要之府。總領五臟六腑營衛經絡。通內外左右上下之氣。無論胎毒深藏。自然同時引挈而出。最爲穩妥。小兒種後。嬉笑如常。若無其事。父母亦不受辛苦。不旬日間而告厥成功。此較鼻種大有天淵之判。然鼻種之後。始終永無天花之發生。而種牛痘者。當天花盛行之時。猶不能避免傳染。必須多種幾次方可無慮。又牛痘結痂之時。須要仔細察看。倘尖頂斜脚。漿亦不十分飽滿。其色帶藍而又黃亮老潔者。其氣雖出而毒猶未淨也。下次必須再種爲是。其有未及種而自出者。須要認明是否正痘。抑是天花。若是正痘。治法與鼻種無異。第一顧全氣血。若是天花。其點必顆粒不分。不必透發。灌漿助漿爲虐。急須清熱解毒。倘火毒重者。卽紫雪丹之類亦可採用。切不可治鼻種之法而治天花。慎之慎之。現今牛苗購自外洋。利權溢出。每年之數不可以千萬計。吾徧國中無一能自製者。實爲醫界之恥耳。

(方劑類)

第四十八期 雜通門

### 溫熱方劑篇 續四十七期

六十六

楊煥文

#### 第三節 三陽合病方劑

#### 白虎湯

傷寒論曰。若發汗已。身灼熱者。名曰風溫。風溫為病。脈陰陽俱浮。自汗出。身重多眠。睡鼻息必鼾。語言難出。若被下者。小溲不利。直視失溲。若被火者。微發黃色。劇則如驚癇。時瘵。瘵若火薰之一逆。尚引日。再逆促命期。仲景無方

沈堯封曰。溫熱熱病。古人往往互稱。鑿者祇須認定脈。擬何方治。不必拘於名式。難經云。熱病之脈。陰陽俱浮。本條云。風溫為病。脈陰陽俱浮。兩證脈相同也。三陽合病。但欲睡眠。身重難以轉側。本條云。身重多眠。兩證病相似也。熱病合病俱主以白虎湯。則此條雖無主治。似可從白虎擬法。

#### 白虎湯分量

石膏一斤 知母六兩 甘草二兩 陳米六合 水一斗煮米熟成去滓溫服一升

日三服 未完

### 疫痢集古

閱雜誌晉北近患疫痢及瘟黃症傳染甚速因集古方錄寄周小農

名 理 周小農纂

#### 毒痢瘟

曹炳章痘痧證治要略

〔道光戊戌咸豐丁巳民國二年夏秋皆發見〕初

起腰痠身痛而熱。二三日後腹痛後重下痢膿血。臍腹急痛。時時下痢。治如不當。變痢紅水黑水而死。非平日秋痢可以綿延時日。初病時吳氏三消飲一劑。枳

榔 製朴 草果 知母 黃芩 白芍 生甘草 羌活 葛根 柴胡

大黃

痢仍劇者。以秘錄治痢飲。當歸酒炒 白芍酒炒 各二兩 檳榔 製朴各三

錢 車前子 萊菔子炒各二錢 銀花八錢沙糖炒 廣木香一寸磨汁沖濃煎四杯。

分四次服。如紅痢火盛。加酒蒸大黃汁沖服。如發嘔者為難治。用蒜頭切片放臍上。艾火灸三五壯。或加吳萸五分。炒川連一錢。如白痢如魚腦。加白槿花三錢。炙甘草一錢煎服。

疫痢黃金湯程杏軒醫案時疫痢亦雜氣所乘故多傳染。黃土掘地三尺下取五兩錢

花二兩 煎湯逐邪解毒。

疫痢方荆匯西天行疫痢脈微者人參敗毒散治外感發熱。人參 獨活

前胡 羌活 茯苓 柴胡 枳殼 桔梗 川芎 薄荷 甘草 薑

### 瘟黃集古 前人

太宗聖惠方 治時氣五六日壯熱骨節煩疼連心兩脇氣脹急硬痛不能食變

為黃宜服柴胡散方。

柴胡去苗枳實麵炒令微瓜蒌根 黃芩 梔子仁 茵陳 龍胆草去蘆

川大黃剉碎微炒甘草炙半兩右約搗篩為散每服五錢以水一大盞煎至五

分去渣不計時溫服。

李樾醫學入門 時行疫癘亦能發黃殺人最急名瘟黃。

瘴疽丸 治天行病急黃及瘴瘡發黃。

醫 學 雜 誌

茵陳 梔子 大黃 芒硝各一兩 苦杏仁二錢 常山 鼈甲 巴豆霜各四錢

豆豉二錢 右為末蒸餅為丸梧子大。每服三丸或五丸。溫水吞下。以吐利為效。

時疾發黃不識人蘇頌 大瓜囊一枚 新汲水九合浸淘取汁入密半合朴硝

八分 盡服再服便瘥。

時行發黃後附 竹葉五斤 小麥七升 石膏三兩 水一斗煮取七升細服蓋劑

三十六黃外台 急救方 鷄子一枚連殼燒灰研醋和溫服鼻中虫出為度身體

極黃者不過三枚神效。

外台方 天行三日外忽覺心口妨滿堅硬脚手心熱則變為黃不瘥殺人秦艽

湯秦艽一兩 紫草一兩 白蘚皮一兩 黃芩一兩 梔子一兩 五味以水一大升煮

七合分二服



醫案門

醫案平議

續四十七期

名譽 張山雷

亡陽症

玉璜續類案 馮楚瞻治洪氏子。因勞傷發熱頭疼咳嗽脇痛。醫謂傷寒。大用發散。一劑汗大出。熱更甚。神昏見鬼。燥渴舌黑。身重足冷。徹夜不寐。困頓欲絕。脈細數無倫。胃脈微極。比勞傷中氣發熱。東垣補中益氣湯。爲此等病而設。令陰陽氣和。自能出汗而解。今更虛其虛。陽氣發泄殆盡。所以身愈熱而神愈昏。陰陽既脫。自爾目盲見鬼。津液既亡。所以舌黑足冷。至於身重異常。此尤足少陰極虛之證。蓋腎主骨。骨有氣以舉則輕。否則重也。與熟地二兩。麥冬四錢。乳炒白朮五錢。牛膝三錢。五味子一錢。附子二錢。濃煎人參一兩。煎汁沖服。口渴另用熟地二兩。麥冬五錢。人參八錢。濃煎代茶。三四劑後。汗收熱退。舌潤神清。噉止食進。後用生脈

飲送十補丸四五錢。再以歸脾加減。煎膏成丸。彈子大。圓眼湯化服全愈。

〔平議〕勞傷固是內傷。然有脾胃之虛。有肝腎之虛。此症起初。頭疼脇痛。已是腎肝陰弱。氣火上凌。即不發散汗出。亦非東垣成方所可妄試。馮氏爲立齋之續。反謂補中益氣可令陰陽氣和。須知本是陰虛。而再升處其陽。爲害亦與發散大同小異。其汗後之熱甚神昏。妄言妄見。無非氣火俱浮。腦經昏替。附會脫陽脫陰。仍是糢糊浮泛之論。舌黑燥渴。確是津液之亡。但足冷亦以陽盡上越。自然下現陰寒。身重者津液已枯。脈絡空涸。尙何能舉動自如。此時尙在身熱汗多之時。原不能妄認少陰真寒之症。全真一炷湯。陰藥極重。附子極輕。治此症身熱足冷。本是相稱。舌黑亦焦燥之黑。觀一渴字可知。而楚瞻必一一說到少陰虛寒上去者。意中尙以人參一兩。認爲回陽之重劑耳。

石頭醫通 吳氏子二十餘。素有夢泄。十月間患傷寒。頭痛足冷。發散消導。屢汗而昏熱不除。反加喘逆。更醫投麻黃。頭面大汗。喘促益加。或以爲邪熱入裏。主苓

連。或以爲元氣大虛。主冬地。張診之。六脈細微。按之欲絕。正陽欲脫亡之兆。急須參附。庶可望其回陽。〔魏玉璜曰。此喻嘉言所謂誤治致陽虛也。〕遂與回陽運本湯。〔方見本書四逆湯下。云治陽虛躁渴。面赤戴陽。欲坐臥泥水中。脈來無力欲絕者。四逆湯加人參麥冬五味臘茶陳皮。〕加童便以斂陽。三啜安臥。改用大劑獨參湯。加童便調理數日。頻與糜粥而安。

〔平議〕是亦陰虛之人。誤汗而陽隨陰以俱亡者。先則屬汗而加喘逆。繼服麻黃。而但頭面大汗。喘促益加。虛陽上浮。本根已撥。脈微欲絕。豈獨陽亡。陰亦先竭。石頭以四逆與參麥同用。本是陰陽兩顧。法極周密。而案語乃止稱參附回陽。反覺言之不順。加童便者。取其順下。以降上浮之虛陽。下氣最捷。原是駕輕就熟。投匕有功。而乃謂之斂陽。用字亦不切當。至善後之時。以獨參與童便同行。佛頭着糞。即欲潛陽攝納。則本草中藥物甚多。何苦蒙西子以不潔耶。

徐泗溪案 毛履和之子介堂。暑病熱極。大汗不止。脈微肢冷。面赤氣短。醫者仍

作熱證治。徐曰此卽刻亡陽矣。急進參附以回其陽。其祖有難色。徐曰辱在相好。故不忍坐視。亦豈有不自信而嘗試之理。死則願甘償命。乃勉飲之。一劑而汗止。身溫得寐。更易以方。不十日而起。同時東山許心一之孫倫五。病形無異。徐亦以參附進。舉室皆疑駭。其外舅席際飛篤信徐。力主用之。亦一劑而復。但此證熱病所變。因熱甚汗出而陽亡。苟非脈微足冷汗出舌潤。則仍是熱證。誤用卽死。死者甚多。傷心慘目。此等方非有實見。不可試也。王孟英曰。舌潤二字。最宜切記。

〔平議〕陽未亡時。不可早投陽藥。卽陽已亡時。必不可復投涼劑。本是至理名言。顯而有徵。確而可指。然微獨庸俗辨不到此。卽証之舊籍。殊多糝糊混合之弊。豈醫學之果不易言耶。亦祇見其識理之未確耳。洄溪脈微足冷汗出舌潤之辨。固是金鍼度世。心苦分明。願請爲之申一義曰。脈縱不微。必重案空豁。足不獨冷。必身亦凜寒。汗出不熱。必如油黏膩。如珠不流。舌潤不燥。必苔白滑澤。質淡無華。此則非獨附子辛溫。至不可緩。卽人參滋液。更不可輕。而餘如油飲。

養陰攝納潛降諸藥。皆當大劑猛進。急起直追。亦不能僅恃參附二物也。

又。洞庭姜錫常長郎佩芳。體素弱而患久瘧。時徐應山前葉氏之招。便道往晤。佩芳出診。色天脈微。而動易出汗。徐駭曰。汝今夕當大汗出而亡陽矣。急進參附。或可挽回。其父子猶未全信。姑以西洋參三錢偕附子飲之。仍回葉宅。夜二鼓叩門聲甚急。啓門而錫常以肩輿來迎。至則汗出如膏。兩目直視。氣有出無入。猶賴服過參附。陽不至遽脫。適余偶帶人參錢許。同附子童便灌入。天明而汗止陽回。始知人事。然猶聞聲即暈。倦臥不能動者兩月而後起坐。上工治未病。此之謂也。如此危急之證。不但誤治必死。卽治之稍遲。亦不及挽回。養生者。醫理不可不知也。

〔平議〕此案可與寓意草袁繼明案同觀。亦可知虛脫在卽。不必拘守補住瘧邪成例。

玉璜續類案 馬元儀治鮑坤厚病經半月。兩寸獨鼓。兩關尺虛微。頭痛如斧劈。

汗出不止。譫語神昏。曰寸大尺小。爲上盛下虛之候。况頭痛如破者。虛陽上僭也。汗出不止者。虛陽外散也。譫語神昏者。孤陽氣浮。神失其守也。非人參附子。無以追散失之元氣。非童便豬胆葱白。無以通僭逆之陽氣。法當用白通湯以急救之。時夜半。特宰豬取胆。比藥成。牙關緊急。不知人事。乃挖而灌之。黎明神氣漸清。此陽氣已漸歸原。但欲其深根固蒂。非大劑溫補不可。用人參四兩附子一兩肉桂五錢。合附子理中湯法。連投數劑。痛定汗止。調理而安。

〔平議〕脈則寸鼓。關尺虛微。証則頭痛如劈。自汗不止。以致譫語神昏。明明氣火上冲。腦經奮亂之候。孤陽獨亢。止有養陰涵飲。攝納而潛降之。人參童便豬膽。未嘗不是。豈可合以辛溫燥烈。反助陽熱而鑠陰津。且非陽鬱不伸。何用葱白以通其氣。是豈慮其浮陽之尙不激烈。而欲鼓動之。使迸出泥丸宮耶。此必誤附桂引火歸原一說。而姑妄言之者。考是案不見於葉刻印機草。恐未必馬氏真本。不知玉璣何自而來。姑存之以候再覈。

又馬元儀治陸太史。時值秋暑。偶發熱頭痛。診得脈大而虛。謂中氣大虛。非補不克。彼云傷暑小恙。况飲食不甚減。起居不甚衰。何虛之有。但清暑調中去邪。即已。何用補爲。乃勉與清暑益氣而別。明晨復診。脈之大者變爲虛微。發熱如故。曰今日不惟用補。更當用溫。宜亟起之。遲則生變矣。遂用理中湯服下。少頃出汗如涌泉。午後復診。兩脈虛微特甚。汗如貫珠。乃連進人參四兩。附子兩許。日夜約用人參十兩。附子四兩。汗止精藏。漸調而愈。

〔平議〕東垣清暑湯。本非暑令大補中氣之套方。此案謂脈大而虛。中氣大虛。非補不克。而乃引用此方。則升麻葛根。那不脈益虛而熱益甚。卽此一方。已可見作翁之腦經不清矣。更何論一旦夜。參用十兩。附用四兩之昏狂譫語耶。此案亦不見於印機草。似馬氏不應荒謬至此。

又陳某太夫人。年已八旬。憂思不已。偶因暑浴。遂患發熱頭痛。醫者以爲傷寒。禁其食而肆行解散。越三日氣高而喘。汗出如洗。昏冒發厥。診其脈大而無力。乃

爲之辨曰。外感發熱。手背加甚。內傷發熱。手心爲甚。外感頭痛。常痛不休。內傷頭痛。時作時止。今頭痛時休。而手背不熱。是爲虛也。遂用參芪各五錢。白朮半夏各二錢。橘紅一錢。甘草六錢。一劑減半。後倍參朮而痊。

〔平議〕八旬高年。誤表而汗出如洗。喘厥昏冒。此非大劑潛陽養陰。攝納固瀉。何能有效。乃用藥若此。雖不大謬。亦是病重藥輕。乃引東垣辨內傷外感頭痛發熱數句。以示淵博。祇覺陳腐滿紙。此亦陋者之筆。不盡可信。甘草當是六分。此傳寫之誤。

陸定圃冷廬醫話 程杏軒治農人患傷寒數日。寒熱交作。自汗如雨。脈虛神倦。舌苔白滑。分開兩歧。宛如刀割。詢知誤服涼藥。與六味四陽飲。服之有效。繼進左右二歸飲數劑。舌苔漸退而安。

〔平議〕此本中寒之體。誤服涼藥。更傷中氣。因而汗流欲脫。舌白滑潤。神倦脈虛。是其確証。故必陰陽兩補。數服即安。此又亡陽中之別有淵源者。固不必悉由誤服麻桂柴葛來也。未完



第四十八卷 第五期

## 通 電

七十八

### 上海醫藥團體反對廢止中國醫藥之通電

（錄自世界）

〔街署〕閱滬上各報載衛生委員會議決規定舊醫登記案原則三項計〔甲〕舊醫登記限至民國十九年底為止〔乙〕禁止舊醫學校〔丙〕其餘如取締新聞雜誌等非科學醫之宣傳品及登報介紹舊醫等事。由衛生部極力相機進行等語。不勝駭異。查三原則係由余巖等提案而來。竊政府特設衛生專部。原為促進衛生學術之進步。謀人群之幸福。並非為一人一派。藉以排擠他人之工具。乃衛生部委員會西醫余巖等。竟持以為消滅中國醫學之利器。公等既同屬三民主義之信徒。對此摧殘國粹學術入主出奴。畸形式之會議。當能洞燭其奸。我中醫中藥團體。以事關國脈民命。安敢緘默。用特陳述理由。請我當局主持正義。立予駁回取消。查余巖提案理由書第一段第一節。謂個體醫學。其目的在治個人之病治。

治病必要條件。在認識病體。夫治病豈僅認識病體而已。必也觀其後效。譬如一病。新醫認爲腸炎。舊醫認爲熱痢。舊醫不能治愈此病。因是舊醫不識病體。倘新醫治不愈。竟由舊醫治愈者。則新醫雖新亦舊。舊醫雖舊亦新。今憑藉勢力。橫加取締。余巖固敢武斷舊醫全無治愈疾病功能乎。第二節謂豫防醫學社會醫學云云。不知社會醫學豫防醫學。純屬政治關係。且原提案中。並未聲叙舊醫如何不合個體及社會豫防治療醫學之所以然。囫圇吞棗。便據以爲消滅舊醫之理由。同人不禁爲余委員羞。抑且爲中國衛生行政前途寒。第三節謂今日衛生行政。純以科學新醫爲基礎。而加以近代政治意義云云。試問余巖醫學程度。是否能知現代新醫之真相。如僅掇拾他國舊而又舊之遺棄醫藥學。遂自爲遠東家。誇耀於人。識者恥之。况衛生行政。係減少人羣疾病與死亡率爲目的。凡可以治療疾病減少死亡者。自應精究保留。乃余巖等竟捏造一舊字。憑空排擠中國醫藥學。狀思我國附庸治政。卽通令尊重舊道德舊文化。可見舊之一字。未嘗無

保存之價值。矧中國醫學未必盡是舊。假一舊字而可廢止國醫。是可因一舊字而謀傾危政府矣。余巖等提案。不但摧殘國粹。且存反動行爲。第四節謂臟腑六氣之說皆憑空結撰。全非事實。此妄人之言。故事中傷。識者當能明辨。此余巖廢止舊醫提案理由書中之第一段。完全不能成立者一也。其第二段謂中醫獨持撓動脈穿鑿附會。自欺欺人。與天文分野同一無稽云云。竊中醫內科治療方法。係以望聞問切四者合併審詳。所以有舍證從脈舍脈從證之分。且脈學僅四診之一。互相對勘。方盡診斷能事。姑無論寸關尺之是否不易。而浮沉遲數則信而有徵。爲不可廢棄磨滅之鐵證。若以脈學問題。便可廢止中醫。試問西醫所用聽筒。對於病症。是否能一一了解無遺。可稽可考。毫無穿鑿附會之處。此足證余巖廢止舊醫提案理由書中之第二段。絲毫不能成立者二也。其第四段謂中醫根本不明。診斷無法。不能勘定病類。日持其巫祝讖緯之道以惑民衆。對於民生民族大計。完全不能爲行政之利用云云。查中醫自有中醫診斷之法。勘定病別之

類。姑不具論。今且更言中醫與民生民族之關係。蓋醫之爲道。極端之民生主義也。尤以中醫爲極端之極端之民生主義。且當加以極端之民族主義。請先言中醫極端之極端之民生主義。遠非西醫所能企及也。試問今之西醫。有能爲人保成胎孕者乎。則未有聞也。西國之風。曾不以無子爲憂。而亟亟於男女之際。不足充滿其肉慾爲虞。故其醫藥亦止適用於生殖器。爲人治男女生殖器之適合與否而已。至其子息之有無。非所計及也。而我國神農本草黃帝內經以至千金方外臺秘要等書。無不包有今之哲學衛生學等。且遠過之。此我國自古迄今。民生之繁衍。世界無與倫比者。誠不能不推我中醫唯一之偉績也。請再言中醫極端之民族主義。世界人口總數十五億。而中國人口四億。乃幾佔其四份之一。而有餘。先總理曾推獎爲中國飲食之適宜。和味之良美。所以我族繁衍。爲理勢所必然。而此飲食等事。百無一不受醫學之支配。本草全書俱在。可以覆按。非空言所能欺人也。惜乎我中醫之道。僅行於中國。其次東鄰之日本。亦嘗拜受其賜。雖彼

邦維新以來。舍漢醫而用西醫。然近年尪羸漸多。翻然覺悟。詆其政府爲至愚。而民間有東洋醫道會之創設。此又不能不謂我中醫之精神。實際含有東方民族主義之空間性也。然則我中醫之功在民族民生。無背於先總理之三民主義。豈不大彰明較著矣哉。近時除日本復興東洋醫道會之外。美國亦甚歡迎中醫中藥。頗宣騰於報紙。而余巖等竟假一舊字以爲口實。直接摧殘國醫。間接違反三民主義。推余巖之所謂新者。勢將使中國食必食外人之食而後爲新食。衣必衣外人之衣而後爲新衣。蟹行字之新也。華文可廢。虬髯客之新也。華族可除。政府必由外來之人所組織而後爲新政府。國民必由外來之人所生育而後爲新國民。並使一般病者人。貧不能勝西醫之需索者。咸束手待斃而後爲新。夫然後始能爲政治上之利用歟。喪心病狂。莫此爲甚。又謂舊醫不知微虫細菌爲疾病之源。日持冬傷於寒春必病溫等說。爲阻遏科學化云云。請以淺顯易知之例開之。積水生子。積穢生蛆虫。在將成未成之際。必先生一種細菌。在細菌未成之

前。其氣候必先起一種變化。疾病原因。可以類推。此種理由。世界科學是否斷其不然。乃余巖必謂中國研究治療第一期氣候變化之病原。為提倡地天通。狂言禁止。須治療第二三期細菌徵虫之病原。方是科學新醫。如此舍本逐末。科學原理。被若輩淺薄萬萬矣。此余巖禁止舊醫提案書中之第三四段絲毫不能成立者三也。衛生行政原則。在使醫藥進化而得衛生辦法之周全。中醫界雜誌報章之刊行。所以宣傳我國固有之醫藥常識。促進衛生行政者。其功至偉。若不問是非。一筆抹煞。是嬴秦氏之愚民政策。重見於今日矣。以我天下為公三民主義國民黨治下之中央衛生行政。豈容有此反動性專制式之怪議案存在耶。理合環請衛生部立予取消。免使少數西醫為虎作倀。聚蚊若雷。使帝國主義者闢一醫藥侵畧之新途徑。事關民生國脈。伏祈見義勇為。主張公道。維持功在人羣之中醫學術。援助賴以生活之中藥職工。國粹於以完整。國脈不致逐漸局部陵夷。黨國幸甚。醫藥幸甚。隨電不勝屏營待命之至。上海醫界春秋社神州醫藥總會上

海中醫學會上海特別市商民協會藥業分會上海中醫專門學校中國醫學院  
上海市藥業職工會上海醫報公會等叩灰

### 天津中醫學會致本會函

公啓者久未請教企望殊深祇以津局之壓力未息加以開春之俗務冗煩致令  
會務進行遲頓有疎報告鈞座當蒙鑒原前承貴會楊達夫先生駕臨敝會示以  
雜誌載有呈請中央政府提倡中醫學術設立國醫館闡發國粹理由辦法各舉  
三條等因。敝會執行委員長陳澤東君閱讀之下欣幸無極。當即招集全體歷歷  
宣佈。敝同人等極端歡迎。全體一致願爲貴會執鞭之前驅。祈將敝會列爲建議  
份子。彙呈中央政府請求。直令北平省政府轉令天津市政府准予實行開辦。至  
進步進行一切辦法。願與貴會取一致行動。聽受指揮。附呈建議書以盡芻蕘之  
獻。特請彙呈中央政府是荷。再頃接到滬市中醫協會及平醫藥協會通電。僉謂  
此次中央衛生會議有少數西醫提議廢除中醫中藥。該兩會聯合全國同道同

業羣起反對。敝會除已電函並覆外。擬再推舉代表加入團體取一致行動矣云。

### 附呈建議書稿一紙

爲建議事。竊念自革命成功以來。民氣大振。凡帝制軍閥之壓力。共慶脫離。惟查各地衛生局。皆係西醫對於中醫登記補照考試並化驗中藥領照等項。收費極多。條例極殘。假取締更新之名。以爲漁利。示威廢除中醫中藥之具。觀其條例。多仿照日本廢漢醫之法。此次衛生會議對於中醫中藥有提議廢除者。有提議准予登記執照行醫終身。後起之中醫限以立案學校畢業文憑者。議論紛紜。皆藏廢除中醫中藥之陰謀。但中醫係吾國數千年之精粹。凡關於氣化情慾等病。如時疫溫病霍亂喉痧女子經血男子癆嗽等。吾中醫皆有特長之治法。是哲學也。關於實形等病。如解剖肢體剝取子彈。西醫亦有特長之治法。是科學也。然適用科學之病少。適用哲學之病多。不可存中以廢西。尤不可存西以廢中。並行齊倡。



仿合平等政體。况中西國水土不同。中西人種族各異。以西法治中人。實不合也。醫等敢與之比較。至於中藥係吾國財產之大宗。中醫若不提倡。則中藥之大宗收入絕矣。况各地衛生局辦理此項事務。無一處不起交涉。足見不遵先總理之三民主義。獨斷獨行所致也。長者以往。必致病國弱種而後已。醫等環懇仁明政府。速下通令。各省市區行政長官。就地提倡中醫中藥會。中醫醫院。中醫學校等項。則中醫大振。庶免病國弱種之患。况中醫皆係華人。伊等種種之設施。是爲自殘種類。此等心術。豈可容其任意行使。惟懇仁明政府。原情料述。俯准醫會等之請求可也。公呈國民政府鈞鑒。

謹將提倡之鄙意。繼續如下

〔一〕中醫藥會已經成立者。必須竭力振作。研究實學。以收救濟同胞之實。益其未經成立者。先由發起人。邀聘醫學宏富品行端正辦事精詳者十餘人。聲明市黨部籌備會成立。再呈市政府備案。其行醫執照。即由會中代呈市政府。

彙齊人數錢數。按清冊解繳。請由市政府令衛生局發給執照。其詳章另定之。

(二) 醫院先列定內外科門。由醫會中推舉精於某科者。分別担任。其詳章另定之。

(三) 中醫學校。先由醫會中推舉醫學宏富者數人組織傳習所受傳習者畢業後。即為學校之教員。其中之教科書。由各省醫會中共推名手搜集古今醫書。擇其精粹適用者。選集編譯。互相較閱。理義不偏。即為醫學專書。其詳章另定之。

### 本會復天津中醫學會會長陳君函

澤東先生大鑒。前承兩次賜寄大著中西醫總論第一綱生理門數則。融會中西。注釋經旨。詞約旨遠。說理顯明。佩甚佩甚。已於敝雜誌內分三次登載。不知尙可繼續投贈否。茲特具函敬聘先生擔任敝會名譽理事。遙相贊助。匡其不逮。諒高賢或不見卻也。至於提倡中醫。抵制偏見。保存國粹。康濟民生。非一手一足之可

能。宜羣策羣力以共濟。敝會盡心竭力。未敢後人。先生當仁不讓。翹企良殷云云。

### 廈門林振南君致本會函

〔上畧〕前弟手創之會社。因時間及精神關係。會務已停頓多年。際此滬濱中西力爭最烈之時。乘勢再鼓餘勇。組織閩南醫學協進會以資一助。同時并蒙推選為執行部常務委員。愧學無所專。義無可却。充數之譏難見大雅。貴會大道廣被。乞時賜教益以施同人為幸云云。

### 附閩南醫學協進會序言

敬啓者我國醫藥肇自岐黃。四千年來代有發明。演進以成其完備時至今日。業西者偏廢漢藥。拚命毀蠟。已有喧賓奪主之勢。嗚呼是烏乎可。倘若舍己從人。專恃西藥。一旦國家有事。斷絕交通。外藥不來。豈非束手待斃。四百兆人民生命所關。悉操外人之手。可懼孰甚。預防未來之危險。亟應提倡者一。查我國東西洋藥品輸入。歲數百萬計。循此以往。外貨日增。國貨日減。產地天財。委棄於地。而中藥

界同歸消亡。爲國計民生。亟應提倡者又其二。學有學會。商有商會。農有農會。他如工會勞動各途小業等會。先後繼起成立。以圖自存。回顧醫藥界。則猶在醉生夢死之中。個體渙散。精神漫然。自衛無力。難免有敗退之可慮。亟應提倡者又其三。際此訓政時期。有心人要求提倡教育會議。將中藥列入學系之一科。發揮國學之光芒。何快如之。追隨大賢之後。大聲唱和。切望早獲成功。爰以邀集諸同業各同志。組織團體以樹一助。謹將簡章草案付印於後。如蒙贊成。請將籌備券依格填就寄交籌備處。則認爲同志之一。

### 本會復林振南君函

振南先生有道音信。隔載於茲。忽奉朵雲。喜出望外。執事以功成業就之餘。暇念切痼瘼。研究醫藥。組織社會。籌備協進。與滬上全國中醫大會。聲應氣求。遠及敝省。佩慰實深。捧誦序言。提倡中醫中藥三項。宏深肅括。喚醒愚蒙。曷勝佩慰。敝會深願加入一致行動。至敝會開辦十載。成績無多。對於中國醫藥前途。殷憂

綦切。已推舉代表赴滬出席以資聯絡。仍望不遺在遠互相協助。以保存國粹康濟民生。此復云云。

### 山東醫藥總會復本會函

〔上畧〕頃接來函內開擬向中提議提倡中醫學術一案。並賜貴會所出第四十四期中醫雜誌一冊。收閱之下。感謝莫名。敝會業於二月二十二日開會。表決對於貴會提議中醫學術一案。極抱同情。尚請貴會屆期向中央提出時。將敝會銜名列入至為銘感云云。

### 松江中醫協會復本會函

〔上畧〕貴同志熱心改革鞏我祖業。岐黃之遺風不衰。悉在貴同志之熱忱挽救也。至於擬向中央提議提倡中醫學術一案。當表同情。請將敝會聯名列入為感。此覆云云。

### 周小農君致上海中醫大會書

敬啓者二月二十五日上海新聞報載中央衛生委員會討論案中。有廢止舊醫以掃除醫事衛生障礙案。暨制定中醫登記年限案。催請規定限制中醫生案。均屬禁絕中醫之警告。該會此次會議全體西醫一齊出席。用撼山吸海之氣力。爲網地羅天之劫。如果所議實行。全中國舊醫絕跡。宛如日本式限制漢醫逾限不登記永久禁絕之惡例。前閱四十七八期紹興醫藥月報載。衛生當局徵求滬上某君擬登記辦法。未見下文。鄙意保存國粹。首宜前列世傳師傳資格。規定俟二十一日省各縣均設有中醫校。此條方失效力。猶憶癸亥粵政府條例。標明醫術智識經驗「六字下註」於本規則一週期間以部令停止之。』卽此次年限規定之先聲。既能予之。復能奪之。一紙部令。永久禁止。此次西醫式衛生會議。寓廢止於登記年限。以期一網打盡。恐某君撰擬尙未見及。故將鄙人十五年所擬檢定中醫資格條例。『曾登各報』請求檢查參考。勿以非醫校出身。不合世界潮流。自破藩籬。須爲通國人民謀幸福。不能爲三四省已有中醫校。卽放棄世傳師傳固

有資格。將來至仿日本禁絕漢醫惡例一行。人民信中醫一部份。必抱憾輕於承認。短時登記之失着也。因醫師登記是永久的。舊醫登記有限制的。最久者以障礙衛生繳銷其執照。年限可以部令停止。試問復向何處登記。爲滬上某君計。宜呈俟全國中醫聯合會議通過。方可寄京。北平衛生局長尙云。父爲中醫亦不輕恕。同志閱之能不寒心。逆料將來各地衛生局長。既屬西醫化身。必藉口中醫在衛生上欠缺與之爲難。苛罰也。繳照也。報不絕書。可預言者。此登記條例。必先聲明中醫不受衛生局束縛。以免後世失傳。陷其不義。務請諸君注意。出席上海全國中醫聯合會。毅力主持。俾全民衆不愈之病。西醫失效者。尙有中醫或可補救。萬不可遷就畏葸。但願目前也。

### 賀上海中國醫報題詞

理事

趙意空

格物濟世。基黃農。神靈典籍。懸天中。遙遙迄今。四千載。極民疾苦。醫藥功。萬國人。數較繁殖。惟吾華夏。專其雄。漢唐而降。醫派雜。各逞臆說。難從同。氣化解部。古並

重稽諸靈素言非空。文深理遠喻者少。遂令傾倒歐西風。西學尙器形而下。本可借作地山攻。喜新厭故竟變本。數典忘祖母乃侗。三墳祖龍不敢火。家有寶藏光熊熊。一朝棄置若敝屣。憂時之士心忡忡。立言古稱不朽一。大聲疾呼驚聵聵。斯文發揚祖國學。等身著述富且豐。風行遐邇衆爭覩。秘方妙劑傳無窮。康健民生登壽域。道汗一變爲道隆。神交千里如一室。走筆致賀託飛鴻。



# 雜俎門

## 實行解剖之發軔

解剖人體。非自泰東西始也。吾國內經有言。七尺之軀。其死可解剖觀之。昔華元化於三國時。曾著其技。惜其不傳。西漢王莽頗有意於解剖。而舉世非之。清王清任生千載之下。致疑古人。慨然欲觀人身之臟腑。而當時目為狂生。故歷代名家。雖各有發明。均詳於理論。而畧於實驗。根柢錯誤。相率牽泥。辨論愈多。真理愈晦。此吾國醫學之所以日趨於退化也。江蘇公立醫學專門學校。有鑒於各國醫學之發達。多注重於解剖。每以解剖屍體之多寡。解剖標本設備之完否。為學校優劣之標準。因以訂定採集屍體辦法。呈請行政長官核許。於民國二年十一月。執行屍體解剖。於江蘇公立醫學專門學校。是後各公立醫校亦相繼施行。此吾國醫學界實行解剖之發軔也。

# 星期徵稿選刊

## 問類傷寒五證其症狀理由治法列舉以對 李瑞蘭

傷寒之症有三陽三陰而類傷寒者又有五證焉。就金鑑所載言之。則爲停痰。爲傷食。爲脚氣。爲虛煩。與內癱。夫停痰一症。金鑑謂其病初起。發熱而惡風寒。與太陽傷寒。表證相類。但胸滿不得息。氣上衝咽。頭項不強不痛。與之異耳。考痰飲症。原不發熱。不惡風寒。惟兼外邪者。乃有此象。今此症而有此象。恐係停痰。而兼外感也。至於胸滿者。乃痰停胸中也。與金匱支飲之胸滿同。不得息者。乃肺氣爲停痰所阻也。與金匱支飲之不得息同。氣上衝咽者。乃寒痰水飲。停滯胸中。膀胱之氣。欲從胸中上出於口。而不能遽出。以致氣常上衝於咽也。此又與金匱痰飲水氣二篇。所謂氣上衝咽者無異。頭項不強不痛者。此症本係停痰。雖略帶外感。而太陽頭項之經脈。並未受傷。故其頭不痛而項不強也。太陽傷寒下篇。有瓜蒂

散一症。其狀如桂枝證。頭不痛項不强。胸中痞硬。氣上衝咽喉不得息。此爲胸有寒也。仲景用瓜蒂散吐之。今停痰症狀。全與彼症相同。亦擬以瓜蒂散吐之。吐後如衝氣不平者。治以苓桂五味甘草加半夏湯。吐後衝平而痰飲不清者。於加味二陳湯。及治痰各方。相症擇用之可也。傷食一症。金鑑亦謂其症初起與太陽傷寒相類。惡寒惡風。發熱頭痛。其不同於傷寒者。則謂爲惡食。身不痛心下痞悶。失氣噫作酸耳。考人傷於食。金匱只言其食氣鬱滯。上爲頭痛。而並不言其發熱與惡寒風。金鑑謂其如此者。殆亦係傷食而畧兼風邪也。至於惡食者。內有宿食。見食即惡也。身不痛者。風邪甚微。未傷太陽之經脈也。心下痞悶者。食氣壅於胃之上口也。失氣者。食不消化。穀氣下流。如陽明傷寒。因有燥屎。服承氣湯而轉失氣也。噫者。食積胃中。不化爲糞。以出於下。故其氣上逆。味臭而爲噫。作酸者。脾濕侵食。脾熱相蒸。發生酸液。故氣逆上升。挾之而作酸。夫傷食而熱者。宜遵金匱法。而以大承氣等湯下之。傷食而寒者。宜以理中湯加枳椶查麴等品消導之。若宿食

在上筋者。又宜遵金匱法。而以瓜蒂散吐之。相症用方。惟在神明變化耳。脚氣一症。乃內有濕熱。外感風寒。相合爲病。故往來寒熱。狀類傷寒。但其病起自於脚。脚膝兩脛腫痛。或爲乾枯而痛。大便艱難。與傷寒異耳。夫病起自脚者。濕熱下注於脚最多。脚之正氣先虛。故病先從脚起也。脚膝兩脛腫痛者。濕盛於下。故腫。風熱攻衝。故痛也。乾枯而痛者。以其寒氣過盛。而風邪或正氣。與之撞也。此症不熱不腫。又名乾脚氣。大便艱難者。風熱太盛。固足以燥其大便。而濕盛阻滯。脾油不潤。大腸亦能使其大便艱難也。太陽傷寒下篇。論風濕相搏一症。而謂濕盛者。其人大便硬。此非濕盛便秘之明證乎。至於脚氣症之治法。初病表實無汗者。金鑑治以攢風散。裏實熱甚。二便不利者。治以羌活導滯湯。濕盛重腫者。治以勝濕餅子。寒溼者。治以五積散加附子。寒虛者。治以獨活寄生湯。其濕熱甚而形氣若虛者。治以當歸拈痛湯。其濕熱甚而形氣尙實者。治以加味蒼柏散。凡其所用之方。無不對症。他書所言治此方劑。未有若是之詳者也。虛煩一症。乃心血虛少。心火失

其滋養。而心中了戾不安之謂也。血虛而心火外發。故身有微熱。而畧似傷寒。然此煩由於血虛。既不同中風。不汗出而邪熱內擾之煩燥。又不同胃實。不大便而燥熱蒸心之煩燥。是以心中雖煩。而無惡寒身疼之表證。又無屎燥臍痛之裏證。實與傷寒不同也。嘗考虛煩治法。多主以梔子豆豉湯。若血過虛而火不甚者。唐容川血證論中心煩條。謂宜以加味歸脾湯。加味逍遙散。與仲景酸棗仁湯治之。若火盛而血未大虛者。又宜以加減黃連阿膠湯治之也。內癰一症。初起狀類傷寒。有血凝而衛氣與之相爭。以致寒熱往來者。有血凝而衛氣被遏不出。以致發熱惡寒者。但其飲食如故。癰處疼痛。異於傷寒耳。夫飲食如故者。癰發肉脈未傷脾胃之氣也。癰處疼痛者。血爲熱結。氣與相撞。且癰腫而逼擠好肉也。然內癰不一。其要者。有肺胃腸三癰焉。肺癰之狀。胸中隱痛。或喘或欬。吐垂腥粘膿涎。胃癰之狀。當胃作痛。手不可近。腸癰之狀。少腹腫痛。皮膚甲錯。大便墜而小便澀。其各症之治法。金匱有薤苳附子敗醬散。與太黃牡丹湯。以治腸癰。金鑑外科。於三癰

之治方。記載精詳。醫者遵其法以治之可也。類傷寒五證雖與傷寒相類。而究不相同。當詳審其症狀。細究其理。而按症用方。毋悞認作傷寒。妄用麻桂發表也。

### 腹中有積塊其形狀不同宜針刺何經何穴 白爾斌

營行脈中。衛行脈外。宰制此營衛者。氣而已矣。氣聚則積塊成。其狀不一。其位無定。有橫懸腹上。有盤據腹中。有見於臍之上下者。有出於臍之左右者。奔豚。伏梁。石瘕。腸覃之類。無非凝痰即瘀血。以藥治之。不外攻下。抵當。化滯。消積。逐瘀。諸丸湯而已。何如以針直捷了當。而不傷胃之爲妙也。神應經針氣塊。分頭與尾。頭針二寸。灸二七壯。中針三寸。灸三七壯。尾針三寸半。灸七壯。究未提明邪之出路。且言頭尾而不言道路。既不完全。况塊形雖殊。總不離腹。直臍爲任。夾臍爲腎。夾腎爲胃。傍胃爲脾。左右上下。各有分寸。而衝屬腎起於胞。尤易上攻。故古人有降冲爲治塊必須之法。况又有厥陰時欲暴發。冲肝合力。胃不能制。再濟以下。更易傷胃。故無論其男女老幼。切脈問苦。辨明地位在某經。則就某經取穴。臨某臟。則順

某脈引導。如在臍之上下。則取任之氣海關元建里之類。在旁則取腎之中注。而曲之類。在胃則取天樞。旁針脾之大橫。腎之盲俞。然後再於其塊之中央。連行撈白。繼之以灸。總使寒散氣解。邪有出路爲是。痰則使之由水道出。血則使之由血管化。近腸胃者使由直腸出。利水破血通氣攻積之藥品。緩緩服之。助其針灸之力。無已。再加以外熨之法。下氣通泄。爲效更捷。法不一定。亦須病者忍耐。多針多灸。斯爲得矣。如係動脈痛。則不可針。先以管針試之。

#### 附試積塊法

痛甚熱熨即緩爲血。痛輕易動熨之無覺爲疾。始如彈丸。漸大時升降而隱現者。氣左右上下。漉漉有聲者飲也。

## 清代名醫醫案菁華

## ●本書緣起

人之論醫者，動稱內難傷寒，夫內難論病書也，傷寒診病書也，何謂論病推闡疾病之原理，以明證象及傳變，所謂病理學者是，故內難不詳方藥，何謂診病，研究疾病之驅除，以定法則及程式，所謂治療學者是，故傷寒絕鮮理論，合病理治療于一而融會貫通，卓然成一家言，爲後世法者，厥惟醫案，此醫案之所由輯也。醫者應具時代精神，適合世界趨勢，中醫萌芽於神農黃帝，歷春秋戰國兩漢名師哲匠而漸臻發達，下此六朝隋唐，其光又微，宋代競尙虛玄，金元繼之，好言五行說者，因譏唐後無醫書，及至有清，大椿元御肆力復古，天士鞠通側重溫熱，玉田出力闢蠶叢，獨開新境，咸同間西學輸入，醫風又一變，承往古，啓來今，于是大彰此所以先有清代之輯也。

醫非學養深者，不足以鳴世，書非選抉嚴者，不可以爲法，清代醫家之盛，遠勝于



前。然宣闡古蘊。發明心得。正復可數。而所傳醫案。大半門人編纂。駁雜不純。若是者。烏足光前哲而裨後學。此又所以名醫是尙。而菁華是擷也。近賢章太炎氏曰。醫中之成績。醫案最著。梁任公氏曰。治學重在真憑實據。夫醫案皆根據病理而治療之成績。亦中醫價值之真憑實據也。此書之輯。實足箝西醫攻訐之口。爲中醫臨診之助也。

●本書特色

- 一 搜集之富。可謂醫案中未有之巨大著作。
- 二 撰輯精嚴。理論與實驗並重。與薰蕕不別者。不可同日而語。
- 三 所采醫案。大半坊間未見。謂爲秘錄。亦無不可。
- 四 以人爲綱。以證爲目。極便檢查。不同凌亂無章者。
- 五 醫案觀其換方變化處。最耐尋味。而增巧思。故本書于復診方案。足供研究者。悉數采附。

六精華所聚，學者得此，可免選抉之勞，亦無盲從之弊。

七各家卷首，附刊小傳，俾知其師承及經歷。

八有諸大名家題序，價值概可想見。

九印刷精良，校對準確。

十裝訂美觀，攜帶尤便。

編纂者

中國醫學院主任秦伯未氏

審定者

上海新中醫社

刊入者

葉天士 薛生白 吳鞠通 尤在涇 曹仁伯 王旭高 張仲華

何書田 趙海仙 馬培之 王九峯 巢崇山 張千里 張聿青

陳蓮舫 秦笛橋 凌曉五 陳良夫 金子久 丁甘仁 等……

▲全書三十餘萬言

▲八百餘面

第四十八期 廣告門

第四十八期 廣告門

百〇四

### 裝訂

(甲種)布面金字精裝一巨厚冊  
(乙種)平裝四冊外加錦匣一只

### 定價

每部大洋三元惟甲種另加裝訂費實洋四角概不折扣

### 預約半價

▲預約期陰歷七月十五日至八月十五日止外埠展期十天▼

### ●預約章程

- 一 本書預約自陰歷七月十五日起至八月十五日止外埠展期十天
- 二 本書預約祇收半價外埠加郵費二角
- 三 本書定陰歷九月初十出版憑券向經售處取書決不延誤
- 四 本書出版後照碼概售八折
- 五 所定預約券以三個月為限出書後過期不取概作無效
- 六 郵匯書款務須掛號以免遺失郵票代價作實惟以五分內者為限

### 總發行處

上海小西門外黃家關路中國醫學院新中醫社出版部

### 代售處

上海四馬路校經山房書局  
 上海三馬路千頃堂書局  
 上海棋盤街文瑞樓書莊

### 初等診斷學

爲奉天醫士公會編輯部劉景素先生編訂內分十一章共一百廿餘節都十萬餘言凡中醫用望色辨舌苔切脈聞聲問症諸法包括歷代諸家之特長參以最新科學之程式以清淺之筆談高深之理使初學者一目瞭然已學者可資參攷全書中式裝訂二大冊 定價一元 實售八折 郵費加一

醫團選購請向奉天煥休學社聊有贈品

#### 代售處

上海西門內石皮弄  
中醫學會陳天健君

#### 總售處

奉天城內石頭市

西胡同一七號門牌  
煥休中醫學社

本會名譽理事

### 張錫純壽甫先生五期衷中參西錄出版

此書係先生登各省醫學誌報之論重加修整融匯中西更參以特識凡千古難治之證若肺病噎膈霍亂鼠疫腦充血等證莫不立有名論製有專方用之必效且先生素深哲學書中亦闡發甚詳果參透遵行定享長年誠濟世活人之慈航也書共八卷約二十萬言實價兩元郵買者不加郵號費

發行處天津東門裏中西匯通醫社

第七八期 萬應

百〇六

### 編輯處啟事

勝者古今醫案充棟汗牛竊謂案者法也老吏斷獄錄案如山熟於法耳若平  
 無奇或以病試藥偶然倖中者似未可以案稱本雜誌醫案門多選古人精粹真  
 法畧別種類分期登載現仍資料無多凡我同人熟於前輩醫案醫界聞名醫  
 歷史筆記瑣錄之類望祈隨時抄示俾便分登一俟哀集較多彙刊成帙定當  
 酬若干冊以副雅贖不勝企盼之至

### \*楊如侯先生靈素生理新論出版廣告

是書原擬刷印

一千部嗣以不敷銷售特再加印五百部以公同好兼為振興國學溝通中西起  
 見將本書原價定為實碼八折每部售洋三元二角其整購十部者另贈一部遠  
 道並免去郵費以期普及郵票代洋九五折算書存無多購請從速

發售處山西省城中醫改進研究會

### ● 中醫雜誌 ●

上海中醫學會出版

〔二〕(內容)分專著學說醫案筆記藥物學驗方釋辯錄會務紀載等十餘欄皆  
 屬近代名賢精心結撰之作已出至廿七期

- 〔二〕(定價)每册大洋二角五分購滿六册者減售一元四角
- 〔三〕(郵費)國內每册三分國外八分多則照加掛號另加五分
- 〔四〕(函購)郵局不能兌匯之處可以郵票代現惟須照九五折計算
- 〔五〕(彙選)第一至四期均已售罄特刊彙選發行上下二册實價一元二角郵費八分

〔六〕(附)第五期已售盡本會員通信處詳載紀念册以便互通消息每册售大洋五分

總發行所 上海西門內石皮弄中醫學會雜誌社發行部

### 中醫雜誌五八彙選因

單本雜誌售盡無餘將原稿重行編選再版出書內容彙集舊稿外並加入新稿多編計出一至四期彙選五至八期彙選兩種一至四期已無存書五至八期尚未售盡實價一元五角郵費加一

發行處 上海西門內石皮弄 中醫學會

寄售處 各地商務印書館及各大書局

第四十八期 廣告門

百〇七

第百十八期 廣告門

百〇八

張壽甫先生四期表 中參西錄每部定價一元郵費五分滄  
州立達醫院發售

介紹浙江紹興醫藥月報

紹興醫藥月報為浙紹何廉臣先生編輯內容精美每月一期定價一角全年一  
元半年五角五分郵費每期五釐全年六分民國十三年正月出版發行所紹城  
石門橋醫藥月報社及紹城大街天芝堂藥號

嚴氏金匱廣義出版廣告

是書為慈谿嚴鴻志先生所著內容精美外觀雋雅洋裝兩巨冊定價大洋壹元  
貳角現傳照碼九折十部以上八折連郵費在內以十三年舊曆十二月為限限  
滿不折不扣發行處在甯波慈谿東鄉費家市嚴氏養正學校遠地如以郵票代  
洋准三分以下之郵票為合格按九五折計算書印無多購請從速

慈谿中醫學會同人公啓

無錫王旭高名書六種出版廣告

先生醫案柳君寶詒已選入四家醫案尙有退思集類方歌註醫方證治彙編歌

訣。增訂醫方歌訣。醫方歌括。薛氏濕熱論歌訣。西溪書屋夜話錄治肝秘訣。六種。於傷寒濕溫雜證肝病。闡解詳明。思路新穎。凡在醫林。尤堪研究。醫校學生。尤便誦習。茲由吳縣陸晉笙君重訂。無錫周小農君精校。交上海千頃堂石印。每部六角八折掛號郵費一角。各省大書坊均有寄售。

分售處無錫西門外棉花巷周小農醫室

### 中國醫學界空前唯一之評論刊物▲

#### ▼醫界春秋……彙訂第二集出版

光陰荏苒歲月不居。本刊自出版以來。倏已二載。回憶第一集彙選出版之時。蒙讀者不棄。紛紛購閱。是以出版未久。銷售一空。今者第二集彙訂。又屆出版。本社同人自問。較第一集之內容。更有進境。因關於各門。皆由當代醫學家所著。述宗旨純正。切於實用。非可與東抄西襲及圖利者比。本彙訂並有名人題詞及序文等。生色不少。凡喜研究中醫學術諸君。及愛閱本刊之讀者。欲得本刊之全璧乎。



第四十八期 廣告門

百一十

幸勿失此良機再者第一集彙選祇存五十部欲購從速售完不再添印尙希

注意

〔價目〕第一集實價二元四角 寄費一角  
第二集實價一元二角

〔總發行所〕上海雲南路安康里227號醫界春秋社

淺顯明白 唯一無二 之醫藥新聞 合普通社會之心理 有衛生自療之方法

本報現已出至五十期每月六期每陽曆十號出版全年七十二期定閱者連郵大洋貳元國外加倍主編吳克潛張汝偉

定報處

上海薩坡賽路豐裕里四一醫藥新聞報館  
上海南京路德裕里二十七號張汝偉醫室

衛生大全出版

是書爲張汝偉吳克潛二君合編內容分衛生須分年齡別男女按時令衣食住行娛樂公衆論說八大綱四十餘子同與衛生常識可謂詳盡允宜人手一編之作也定價八角特價四角郵票通用寄費加一出售處

上海南京路德裕里二一七號張汝偉醫室

最新出版 異軍突起之

# 上海醫報是

上海最著名 有勢力之 **中醫學會** 執行委員所編輯 最正當最偉大 之週報

**宗旨** 介紹醫藥常識 傳達醫藥新聞 提倡公共衛生 促進民衆康健  
**內容** 澈底說明病理 切實指導治療 公開靈驗秘方 詳載醫藥消息

一字一句皆切實用不尙空談

本社抱絕大犧牲希望本報普及全國非今日籍報紙宣傳面實以牟利釣譽者可比 **格式** 如申新二報大小相同每星期三出版一大張每年五十期而 **定價** 祇收紙張費連

**郵大洋二元本報著重信用實事求事** 廢除一切以 **號招斂錢之虛**

**偽贈品優待辦法**

樣報示明 地址即寄 △△上海西門內石路八十二號 **上海醫報社啓**

第四十八期 廣告門

百十一

第四十八期 廣告門

百十二

### 上海醫報社優待中醫學會會員閱報辦法

- 〔一〕本社爲中醫學會全人所組織故對於中醫學會會員訂此優待辦法
- 〔二〕此種優待辦法惟中醫學會會員單獨享非中醫學會會員恕不照辦
- 〔三〕各會員每人介紹親友五人以上同時定閱者得常年贈送一分並有投稿登載權利
- 〔四〕被介紹者不限於醫界不限於中醫學會會員不限於同一地方
- 〔五〕被介紹人之報費如一時不及收足先將下列表格填好寄下同時先付報費過數餘款介紹人須負責一月半內付清
- 〔六〕如一時未便集合五人定閱請即先定一分集滿後可填表寄下仍得實行上項辦法
- 〔七〕此項優待辦法以一年爲限〔即本報一期至五十期內〕

贈送民衆必讀的

快活報(又名三六九)

十萬份爲限

內容

衛生常識

醫藥常識

婦女良友

隨便談談

民衆顧問

走馬燈

俱樂部

索報辦法

請自寫通信地點附黏郵票(乙分空函不覆)以省手續而免延期

蘇州裝駕橋巷一號快活報社

●全國中醫藥界生死關頭的

▼廢止中醫案抗爭之經過——出版

上海

張贊臣醫士編輯

醫界春秋社印行

精裝一冊實價大洋二角五分

第四十八期 廣告門

百十三

本社成立迄今已歷三載。對於中國醫藥界歷次之革命運動。無不首先奮鬥。極力宣傳。發行「醫界春秋」月刊。作中西醫界公允之評論。盡削筆之能事。出版以來。深蒙社會許為革新醫學之先鋒。輿論之喉舌。此次中央衛生委員會。在首都會議。由少數西醫操縱壟斷。議決廢止中醫案後。一時輿論騷然。全國震動。醫藥兩界在滬舉行全國醫藥團體代表大會。據理力爭。旋向國府請願。當局顧全民意深表容納。本社鑒於各地中醫藥界同志未能明瞭此事之前因後果者。特編「廢止中醫案抗爭之經過」一書。詳叙始末情由。以告國人。內容分評壇。宣言。提案。函電。口誅筆伐。大會情形。請願結果。當局表示。社會輿論。議案選錄。政府批令等欄。子目凡百餘篇。插圖十餘幅。精裝一冊。定價三角。特價二角五分。按此次廢止中醫案之內幕如似者。可為我中醫藥界當頭之棒喝。固宜人人手置一冊。以備紀念耳。「醫界春秋」月刊。現已出至三十四期。每冊定價洋八分。訂閱全年十二冊。連郵費祇收洋一元。該刊詳細內容及定單。函索即寄。

總發行所

上海雲南路安  
康里二二七號 醫界春秋社

代售處

上海三馬路千頃堂書局  
上海南京路文明書局  
上海棋盤街國民書局

●幸福報

▲第一集彙訂▼

▲現已出版▼

▲實售一元▼

本書共一百頁計三十萬言由全國數百位名醫選述內容所載完全切合實用  
無論內外婦幼花柳等症以及一切急救自療方法莫不應有盡有得此一書小  
病能自行治療大病免藥石亂投稱之爲「康健保障」誰曰不宜存書無多欲購  
從速

總發行所 上海浙江路洪德里幸福報館  
主 編 楊志一 朱振聲 醫士

第四十八期 廣告門

百十五

此書爲臨診時勿致疏忽遺漏而設可移作說病討藥用查病證與書中合符者並將身裁容貌神氣性情可驗體氣者盡墨圈字旁即病家不明脈象獨有脈不寫明亦可無誤惟舌苔舌色舌形面色唇色口渴不渴大小便爲凡病辨表裡虛實寒熱最要緊處以及年歲察精力盛衰籍貫住處察天氣地宜職業察勞逸總要病家勿厭煩瑣逐字細看圈明醫家自然開方不錯譬如同一寒熱病家以爲

### 診 斷 書 備 轉 送 患 病 之 親 友

與汗與面無涉不知無汗面白爲寒有汗面赤爲風溫同一泄瀉病家以爲與唇與洩無涉不知唇淡洩清爲寒濕唇紅洩黃爲濕熱但云寒熱泄瀉醫家無從辨別安得不誤人身如機器莫不相關他如神氣旺多火神氣衰多陽虧身肥多痰濕體瘦多液虛故病家必須細告爲要

## 附脈狀明辨

浮脈輕按即得。重按不見。如水漂木。芤脈浮大而軟。重按僅得兩邊。中空如葱。革脈浮按如按鼓皮。沈脈重按乃得。牢脈弦大而沈。動而不移。若牢固然。伏脈三候如無。遲脈一息三至。去來極慢。結脈遲而一止。非有定數。幾跳乃止者。代脈或四動一止。或兩動一止。止有定數。數脈一息六至。疾脈一息七至。或八九至。促脈數而一止。非定數。幾動乃止者。滑脈往來流利。如珠走盤。動脈形圓如豆。厥脈動搖不離其處。瀉脈往來艱難。如雨沾沙。虛脈往來無力。重按則空。濡脈浮而且小。如水漂棉。微脈輕按若有若無。重按不見。散脈散而不收。如水浮漚。弱脈沈細而軟。輕按不見。細脈重按如絲。如髮在筋骨之間。短脈見於寸尺。不滿三部。實脈重按中按輕按俱有力。洪脈如洪水上湧。大脈較闊於常脈。來剛去柔。弦脈弦直如張弓弦。緊脈若牽繩轉索。長脈過於本位。緩脈從容和緩而有神。 陸成一



中華民國十八年四月三十日出版

編輯兼發行所

山西太原省城精營東二道街北首門牌第一號  
中醫改進研究會

信實進取愛羣

## 一 意 注

本雜誌每兩月一册全年六册如承訂閱請寄現款郵票代價九五折扣以四分以下者為限但郵票必須間以蠟紙如無蠟紙致不能揭開者不收

表 目	價	
	全	半
售	年六	年三
册	册	册
大洋一角五分	大洋八角	大洋四角
費郵	費郵	費郵
一分半	九分	四分半

## 二 意 注

本雜誌為提倡醫藥學起見凡有著名醫家及經驗良好藥品願登廣告者列表於下

目	價		廣 告	頁 數	價 目
	全	半			
四 分 之 一	大 洋 一 元	大 洋 二 元	大 洋 四 元	大 洋 十 元	大 洋 十 八 元
大 洋 一 元	大 洋 二 元	大 洋 五 元	大 洋 十 元	大 洋 十 元	大 洋 十 八 元
大 洋 二 元	大 洋 五 元	大 洋 十 元	大 洋 十 元	大 洋 十 元	大 洋 十 八 元
大 洋 三 元	大 洋 八 元	大 洋 十 元	大 洋 十 元	大 洋 十 元	大 洋 十 八 元